



~ 16
2941
11





門 16
號 2941
卷 11

廣東文獻二集卷之七

韓節愍公月峯集

列傳

附論

文目

擬禮樂志序

游滁稿序

族叔始疑子古賦序

祭區海目先生文

送陳集生太史還朝詩引

廣東文獻二集

卷之七分目



早稻田 大學 圖書館
號 31.4.19
藏 書

送區羅陽先生晉南司徒郭諤吾先生巡撫江右

詩引

同刻越絕篇啟袁明府

文昌宮成求蔣明府扁額啟

歸燕賦

月賦

魚燈賦

病鶴賦

詩目

有所思二首 以下騷體

沈閔

五惜

壽宮詹蕭大宗師 以下五古

別錢受之

贈黃仕明進士

呈大方伯蔡公

別劉觀國

別孫無撓 以下七古

真僊大佛歌贈蔡五岳明府

貧女吟

贈武定州司馬馮見龍 以下五律

京邸守歲

七夕後一日旅館集詠

送會蒼巖座師出都門

兩夕論詩贈葉啟之

登白雲峯聽泉聲 七律

附論

東征歌十首 七截

附論

廣東文獻二集

順德羅學鵬雲山甫編輯

卷之七

男 培植槐
清會綸 校

韓節愍公月峯集

孫 吉祥
朝璉 叅

列傳

韓上桂字孟郁號月峯廣州府番禺縣人誕之夕其父
夢人持青蓮花入其家生而穎異日誦萬言家貧無書
每借人二十一史覽一月卽卒業萬歷甲午舉於鄉以
親老求仕初授國子監丞未幾轉永平通判時軍儲孔
亟南北飛輓有告匱上桂精心計經畫設法計漕之多
寡所載幾何上下大小畫如龜形中以十字歸算百艘

如一不差升斗不半月完運邊軍賴以濟巡撫方一藻才之大爲薦賞上桂博學多通洞識星緯泣謂其子騏超與兄子公躍曰汝二人速歸事親吾必死官守矣甲申三月流賊陷京師上桂號泣病數日卒巡撫方一藻總兵祖大壽經紀其喪次子駿超奉靈輜歸

檀默齋

萃

番邑志傳論曰韓孟郁得名最先黎遂球

梁朝鍾輩皆以丈人行待之虞山錢牧齋雅重孟郁謂嶺南之人文蔚然與吳越爭勝吾於公車得韓子孟郁銜華佗寔質有其文彬彬乎大雅君子其推重如此

上桂應南宮舉夢題爲晉元帝恭默思道被易水生奪去入塲果得司馬牛問仁一章題文已入殼因擬韓范招討表中有碎首玉階四字犯忌落之易一卷則湯賓尹也

絳雲樓列朝詩選小傳云孟郁爲詩多倚急就方與人縱談大噱呼號飲博探題次韻紙上颯颯然如蠶之食葉筆騰墨飽斐然可觀顧未暇爲深沉之思

又云孟郁之才長於古詩歌行於今體殊不經意

按

說非是今試摘其尤雅者置之唐賢集中應不能辨但披沙揀金不可多得耳

虞初生民混混淪淪元黃閔閻象畫猶湮蓋巢居者勢
 顛繩結者道紊天乃肇建元辟象予首物樞旋軸轉紀
 渙綱聯以降佑下民闡昏振溺帝王之道斯為烈哉然
 猶治極數殫文窮質敝咸取耀於一時罔迪則於百世
 乃眷至聖是矩是儀俾其綜五德之運酌三正之宜宜
 幽亢朽秩正揆異燐燐繹繹錫萬世極猶懼其職孳秩
 糜不得底厥訓也故中都兆軌司寇脫跡遑遑列邦靡
 安厥席以紉精光謨篤宏後範否泰之故蓋有度焉歷

日峯集文選

擬禮樂志序

虞初生民混混淪淪元黃閔閻象畫猶湮蓋巢居者勢
 顛繩結者道紊天乃肇建元辟象予首物樞旋軸轉紀
 渙綱聯以降佑下民闡昏振溺帝王之道斯為烈哉然
 猶治極數殫文窮質敝咸取耀於一時罔迪則於百世
 乃眷至聖是矩是儀俾其綜五德之運酌三正之宜宜
 幽亢朽秩正揆異燐燐繹繹錫萬世極猶懼其職孳秩
 糜不得底厥訓也故中都兆軌司寇脫跡遑遑列邦靡
 安厥席以紉精光謨篤宏後範否泰之故蓋有度焉歷

徵作者君莫盛於陶唐相莫赫於姬且師莫隆於孔子
孔子後天生而貫天始格君位而肇君模日月以明四
序以成其道鬱於秦芽於漢漢以後膺符紹命者愆正
不齊莫不景耀崇輝日充月侈有豐無靳然而爵號欺
也旒冕贅也衮服借也土偶像也塵羹芻設之議汨作
君作師之道塞元化鬱焉爰廓大明芟蕪滌陋高皇創
制胚胎聖儀世廟紹之大章以釐訛者黜誣者革丕揚
至聖監古之治高揭兩儀在三之義使漢武悔其猶缺
唐元嗟其未備宋儒卷舌元人屏氣是以二百餘年日
月重光天地增朗男女異塗班白弛負垂珮垂緹之輩

黨集誦詩讀書之侶聲合百靈駢翕四夷効輯遐邇仝
文南北共軌然而粵東僻壤承誣襲故文風之暢厥有
所塞郡博董應舉上其事袁督學茂英矍然曰禮正久
矣而邦國不行有司之咎也且登挈皇度其典順昭融
聖懿其功鉅潰豁愚聾鋪陳三極之秘其旨遠小子雖
陋不敢濡乃相與採縉紳之議聲和寧之詩舍像用主
餘釐如制左右瓚裸峩峩如也郡博憚訓之不率且俗
之難詔也爲之志禮樂六卷於往祀著得失焉韓子曰
余入聖序觀所奉釐國制簡而盡尊而不誣標教樹軌
與天地峙蓋所謂煌煌乎帝者之儀弗可加也然猶韜

華韞懋自漢歷明閱數世矣至世廟而備世廟迄今文治丕矣而東粵猶阻禮樂之務厥惟艱哉何怪乎聚訟之在昔也抑余聞世廟時羣臣頗有以貶王疑者惟聖明中和建極斷然行之儀用不忒今郡博之請已後乃弗習禮者猶致疑焉然此固制也遵制無倍則有厥志在

游滁稿序

古今詞賦家父子相繼者甚少曹孟德橫槊賦詩力非不壯而於文人溫平之氣毋乃刺謬且所著視植不能什之一枚乘上矣臯好作小賦襍以諧謔較父風乃薄

惟阮瑀蜚聲建安其子籍復與竹林之遊詠懷諸作可誦也下此牧之之有荀鶴其瑣瑣者耳豈非山川靈淑一鍾已難再洩遂微耶吾粵自張曲江頡頑開元後談詩者衆明興羣英迭出鞭弭之雄幾與中原並騁然弓箕世業向亦未有聞焉邇者區太史海目先生以文章正脉擅名海內令子啟圖紹而振之其諸父昆弟莫不蔚然爲詞林冠是舉世所罕覩者萃之太史一門耶太史之詩直追初唐置大歷以下不道曩在滁陽嘗梓而播之人人咀以爲膾炙且未具論其游滁詩則啟圖往省太史時作也脉清而理細詞婉而味恬按之繩墨毫

髮不爽是可以傳矣余嘗竊睨太史爲人文詞旣妙行復質古大類枚乘而勝於瑀啟圖少有文名與臯無異而又不襍以諧謔猥薄之體其庶幾阮籍乎然籍當魏晉之際和光斂跡日以麴蘖爲事所著尙少今啟圖際明盛時微詞不嫌於刺直詞不病於激大吐其菁華而澤以道德洋洋洒洒吾未知其究竟也已茲所刻特其金鼎一嚮而珍味自見余從太史遊嘗師事之觀其堵庭蘭玉不無歆羨因論敘其次以見吾粵有區氏父子云

族叔疑始子古賦序

古賦起於葛覃關雎螽斯比興義懸要不離賦爲宗風雅猶雜出迫於古而最其爲賦十居八九焉靈均旣放變而爲騷騷怨也怨之情曲詞難直遂其於賦近也而別司馬相如工爲賦詞始包衍謂曲盡經緯之趣比興合而賦名東西京罕得而儷焉六朝復間出小賦詞旨近而響切體遂蕪弱去古彌遠矣要之古樂倦聽鄭衛聲繁循古制則必允岳襟瀆淡醴疎絃而一花一石一絲一竹淺而易工激而少致作者不能奧之以思綜之以術論器不必明堂揆音不必清廟故織靡代浮而遺響遂絕且語澀則咽字棘則刺被虎文蒙羊質何暇包

宏其中而肆溢其外乎肯左太冲賦三都必十稔乃成
作者良自苦要以絡山川之勝屬草木之奇繹風俗人
文之變非假之歲月未易爲力也植槿者朝而榮植豫
章者七年乃見此豈可同日語乎吾叔疑始子世經術
少學易稍長徙業春秋繼而詩日誦數萬言吐爲詞雅
尺幅寸牘依擬秦陶以故菴罕得志嘗習賦遂兄馬弟
左孜孜不倦世人至捫燭揣籥茫不可辨而叔獨享爲
珍錯真所謂包風雲籠海岱文心古質超乎上哉周漢
以下且暮遇之也嗟夫士懷濬被蔽阻不見售業逃之
賦賦復嗜古罕雜響以眩里耳誇于黃鍾譬車適越而

舟適胡也其能無騷也乎叔之不騷而賦也其怨微也
曰吾自習古耳古之不騷其何忍纒江離而泣窮荃離
魂弛節令自放爲雖然屈遇楚而馬遇漢左得皇甫洛
帑以貴玉鬱而耀劍沉而輝苟有凌雲其無楊意乎余
生也弱其何足爲吾叔皇甫乃椒蘭之妬其免矣夫

祭區海日先生文

嗟維先生環海儲精扶輿挺秀采孕珠江芬含桂岫白
璧溫純黃鍾朗扣仙系元邈顯自漢唐博陳昌議冊重
南鄉端溪宅跡偉族交翔厥考積仁循良著績伯仲迭
興露華濃錫瑞則麟遊雄乃鷺擊惟我先生最稱白眉

苞鸞煜蒸編鶴揚姿性與古協行爲世儀待價而沽有
道則見青雲聯翩紫霧屢變鵬翅翻溟驥足追電爰躋
藜閣共羨瀛洲花磚日晏蘭砌風柔直操狐筆望負傅
丹遂輔青宮奏對惟允陳詩諷微援易情隱節抗權璫
不避虎吻才而見妬忠而被疑徒秩罔佐於滁之湄早
朝見馬深夜題詩北闕馳思浮雲久蔽蕭艾腰盈蕙蘭
道棄匪懟於懷惟激夫義謝病自免考槃云依韋經用
迪鯉訓長貽喜對芝玉慰觀弓箕日月不居寒暑屢薄
劍返重泉舟藏大壑台曜輝潛卿霞彩落帝乏顧問國
矢儀型公卿共嘆遠邇咸驚玉堂閔兮仙署寂綸章滯
兮椽管停慨啟沃之莫竟惜棟柱之誰勝維予小子夙
籍甄陶顧瞻融帳感念度川陵陽逝兮荆璞擲伯樂沒
兮鹽車勞芳塵墜其愈後泰山仰之彌高嗚呼哀哉蓀
席肅張椒漿潔注巫衣動兮紛如雲竿鼓雜兮聲怨慕
信德言之可傳悼容輝之已故

送陳集生太史還朝詩引

夫寄遠者採幽蘭握別者扳垂柳蘭有同心之義柳存
結契之情又况戴笠下車壇坫之盟不改壘鳴篴和聲
音之道方長貴仕不鄙窮交曠懷輒捐縟節鸞爲鶴友
鸞升而鶴何依虬與魚遊虬躍而魚安附有不望丹衢

而興想指仙路以矢吟者哉恭惟先生間世鳳麟名山
珉琬系源媯泗胄接虞姚文昌曳履尙書之業赫如畿
甸息桴京兆之勳爛若晨班爭誇接武夕拜寔喜同朝
弱冠而對彤墀天人並重輕騎而遊上苑芝玉咸攜藜
燃太乙夜分光煜斗邊札給中書日出彩搖霞際乃乘
靈槎之泛因爲錦里之遊兩世萊衣砌下斑爛互映一
床牙笏堦前華萼交輝亦且廣訊舊朋不徒簪紱之錯
雜更且數尋勝會豈直絲竹之嘔啞浮觴之樂恍對蘭
亭捲箏之歡遠超河朔擬騷篇於叢桂追雅咏於卷阿
嶺南五先生此其振也中原十二子何足數乎締社斯

殷忽荷講幄之名趨庭旣慰旋馳望闕之忱臨珠浦以
張筵指蓬宮而命駕忍閒修鳳之手滌潤皇猷早杼燮
鼎之才羹調帝治蓋好賢本由好德出門之牽戀何爲
而贈車不若贈言報國之精神須闡定當效其啟沃幸
勿靳其雨露數行雁字綴成墨客之篇一路秋光寫入
詞臣之橐黯然別矣交可忘乎如日繡段之酬難則白
璧之信在

送區羅陽先生晉南司徒郭諤吾先生巡撫江右

詩引

夫泰運隆而哲輔登亨途開而元老起是以苞鸞響叶

夔龍接武於虞廷赤烏瑞呈周召聯輝於姬錄又况祥
分穗石曜映星巖邱梁事業樹的前途湛霍奇猷逸塵
後踰理學文恭首唱亮節忠介高懸幟久樹於中原芬
每揚乎南國惟我英辟聿續宏麻海弋遠招乎冥鴻雲
羅廣搜乎翔鳳列槐棘者大都黃耆台背鏘璜琚者靡
匪淑德多聞尤謂嶠外之產非常粵東之援最寡特勤
簡命並擢高賢良工之區冶苦心劍開蓮鏢有道之郭
秦妙識鑑徹菱花運其陶鑄定冷萬品曲成採其精微
罔可纖毫灼見陪京根本重地賴上佐以式百僚江右
股肱名藩藉元臣以舒南顧度支今煩借箸樽俎實具
折衝于時青陽旣深朱明繼至鶯聲流滑綠絲遠度乎
金梭燕羽翩躚輕剪巧乘乎玉絮萬里之晴光似畫千
林之秀色堪餐彼都人士開綺帳以邀懽此日簪裾奏
驅歌而把袂各抽逸思競騁妍詞慶順治之得人決威
嚴之底績雖式遄其歸吉甫之清風如穆而欽哉汝往
聖帝之渙汗方新異時啟阿閣以待來遊載賡喜起臨
彤軒而勤延竚爰陟保衡則疇云袞繡之采可久戀於
南中而芾珩之觀不旋挹於日下也哉

同刻越絕篇啟袁明府

荆和孕璞常騰照庶之輝越劍流霜動著干星之彩蓋

宇宙光華靡精弗洩而圭璋治道待價攸行故三都構
蒸十年扇英聲於貴紙上林積思百日揚美韻於凌雲
恭惟臺下龍門士弁虎觀儒纓赤城霞舉瀉飛瀑於天
台水鏡星合授靈文於禹穴馨蘭紛其攬結丹鳳煜矣
歲蕤是以鑄厥雄詞鏘爲玉韻東海莫測其涯際西崑
罕媿其琳琅諸家三昧析之毫芒孔聖六經懸夫天日
誠斯文之鉅匠洵後學之司南也上桂材非竹箭承晉
問於清塵學愧筌蹄緒微言於曠度握華日眩捧玉心
驚特以領服虔之傳注必爾公人得王充之論衡豈宜
秘枕故雕珉壽梓流大雅之希聲篆玉鏡霞播青山之
副本遠近傳寫遽爾觸藩先後刊行幾於接矢謹以所
刻馳上候參閱焉

文昌宮成求蔣明府扁額啓

層樓翠聳僊標遠象於星辰赤管霞飛寶篆上搖乎奎
壁是以凌雲乍啓必資韋誕之雄題江郭聿新每藉長
康之偉贊臺下文凝綠水蒸麗丹山雉馴紀瑞因窺鳥
跡之遺麥秀騰歡爰究穗書之變彼蔡邕八法敢擅其
爲鳳爲雲而倚相三墳已喻其如金如玉茲者據堪輿
之秘理襲龜筮之微言謂東南盡氣宜剏雄觀且西北
元文借懸法象是以址定白雲鎮羊居而鼎峙壇連丹

竈還鶴駕於巖棲繞紫殿之勾陳夜聞天語控海門之
東日手接龍飛卿庶得之僉謀靈兆成於帝力特以不
朽之圖藉不朽之言而始重非常之任托非常之輩以
彌尊雖子敬之版書非羣公所可諷而陳遵之尺牘實
時論所必珍伏祈垂鼎石於一言縱銀鈞於八畫庶斗
轉鴻翔紫氣競璣衡而煥爛雲垂鶴舞精光逐銀漢以
昭回則豈惟揚庾嶺以鼓人文錯江山之若繡方且履
銅池而司制作兆彩筆之如椽

歸燕賦 并序

甲辰春予留滯京師館於野閣適有海燕來巢卵殼

其上余見其生見其飛尋又見其去憮然傷懷遂爲
之賦

有瑤光之瑞鳥集孤客之幽簷振元衣而耀日拂弱羽
以穿簾啣香泥而作壘雜積雪以成黏避戍已而不至
視顏色以如覘夫其舍華堂就茅閣厭雕梁懷素幙固
清性之相宜覺濃心之自薄爾乃乍合還離旣去仍戀
影急如流體輕似扇涼雨過兮掠浮雲於東墻暖風含
兮逐落花於西岸度夜月以潛歸乘曉星而輒散傷寂
寞以成鄰弔羈栖而爲伴春已去兮夏亦殘陽鳥沒兮
蟾兔還撫殼卵於旣育嘆覆煦之常艱始啣哺而往返

繼學語以呢喃羽未乾而遽動翼甫就而爭翻母子聚
兮樂未已陰陽驅兮心不閒將歸海國兮路千億音書
斷絕無消息北地苦寒難久留使我念之不能食公子
淫滯兮意何爲王孫獨處兮胡不歸山中桂樹花將滿
白露滴巖草漸衰屈原去國兮思解佩於南浦陶潛返
里兮常採菊於東籬時旣違而不悟身徙倚以誰依懼
世俗之相侮憂霜雪之來欺同鳳凰而隱見庶繪繳之
永辭乃援琴而作歌曰燕之來兮跡共處燕之去兮心
隨俱白雲縹緲家何在青春代謝歲將徂恨此身之非
燕雀兮不能縱羽翼以自如

月賦

楚襄王旣遊蘭臺因適桂苑延佇乎瑤階有頃皓月始
出直照王懷王乃進宋玉而問之曰夫風之雌雄則旣
聞之矣若夫月者流照無極萬里一色寧有異乎玉曰
唯唯大王之月者閃爍萬狀皎潔非常經綺筵透蘭房
徘徊乎紫闥漏影乎銀牀助高樓之明鏡增素女之瑤
粧故其室滿火齊壁搖金電雲母開屏琉璃合殿織學
玉鈎圓裁統扇度網如梭穿簾似箭至於輪涵芳渚采
漾金波又若投珠還漢讓璧沉河君王乃召皓齒命雙
蛾揚郢曲迭吳歌羽爵屢舉舞袖森羅歡宴終夕爲樂

如何若庶人之月者光彩如迷清輝莫吐乍升短牆潛
窺暗戶室小形虧隙寬影度塵壁損妍斂帷掩素喘每
笑於吳牛擣莫資於顧兔恨薪桂之無因念監臨之罔
訴又或孤鸞獨照別鶴寡栖藁砧既出破鏡徒飛單傷
角枕冷惜羅帷流黃易濕素杵難揮與夫荷受遼陽從
軍隴水久負歸期未酬國耻霧苦空營風高陣靡羌笛
一吹關山萬里此其人莫不見月與歎弔影長歛永夜
不寐中心有違孰與夫金宮之賞會綺席之清怡也王
於是稱善始令有司視貧振發簡戍恤役賜玉雙璧永
爲上客

魚燈賦

客有設江豚魚者懶婦之所化也其膏爲燈明暗無
常惟戲是供余因而賦之

夫何此燈兮似晦非晦似光非光托生水族流照江鄉
既殊桂燭亦異蘭缸鸞膏未遇豹髓猶藏謬升短檠遂
登君堂體本香魂質存懶性在煎未忘 何病應節
如知隨方莫定造孽作妖喜邪醜正其或畫堂宴啟玉
漏聲遲既裁郢曲復度秦絲釵簪並蒂屏畫雙棲金尊
未竭香篆猶微將鬆寶帶莫解羅衣時則獨奮奇光罔
勞纖杖四照全輝九華並放斜通翡翠之幃直射芙蓉

之帳觸雲母而玲瓏映水晶而瀏澆一刻千金爲樂難
尙又或高陽酒徒五陵大俠但喜携蒲詎知素業夜半
分曹探囊競捷射蜀錦以齊紈賭名駒與愛妾盤婉轉
而未分采屢唱而猶怯亦復丹華倏燦靈耀俄敷辨五
木於指掌定臯勝於模糊劉毅快其得雉慕容喜其獲
盧百萬一擲繞座狂呼若乃鑿壁書生乞光神女兀兀
殘編紛紛亂緒西遊已困未習揣摩東賦已空更輸機
杼遂成依微掩曖歛耀藏靈似死灰之欲濕類鬼火之
猶青膏數添而彌暗指屢剔而難明非關袖掩豈屬幃
局蛾詎觸而燼落空未曙而光停致使黃卷低眉白麻

暗索字或溷其魯魚績莫分其美惡三冬之文史竟虛
七襄之雲錦誰作徐吾爲之歛歔蘇季爲之錯愕故其
爲物幻而多智比而不周最善牧猪之輩偏宜紅粉之
樓專結怨於寒士罔助勤於好仇豈若青藜獨資著作
更慚龍燭靡遺隱約流螢供照書之囊斜月透穿針之
閣用並借於清貧心詎分於厚薄爾乃鮑臭其質豕突
其形女德無極婦怨難盈固乖氣之偏屬豈下愚之可
明是宜封豨等刑黃熊並殛化杼猶輕然臍未刻悔且
縱之江湖亟欲投之荒域

病鶴賦

夫何此西方之令質兮稟靈性之自然跨烟霞而高舉
兮凌日月以躡蹠茹瓊草以自適兮飲玉露以增妍本
與龜麟而共珍兮同鳳鳥而齊翮將比壽於喬松兮長
托跡於青田偶降觀於原隰兮遂投機而被牽屈凌霄
之遠志兮就塵網之拘纏觸雕籠而拄喙兮望堦除而
頸延翼翕戢而難舉兮足躑躅而不前意婉悞以如喪
兮形影弔而相憐仙儀爲之減素兮皓態爲之奪鮮骨
柴崖而獨立兮尾凋弊以無全怨氣積而莫平兮哀響
達於皇天舉世忌賢兮盛罟網以相迫指白爲黑兮號
石爲壁屈展禽於下位兮老揚雄於執戟馮唐皤其白

首兮君平窮於學易天雖高而彌跼兮地雖厚而彌踏
撫毀樹之婆娑兮繫南冠而爲客服錦繡而夜行兮袖
隋珠而暗擲鸚鵡憎其腐鼠兮鴟鴞視以爲嚇掣賁育
之勁臂兮庸夫騁而相搯抑儀秦之辨舌兮吃者侈其
博覈彼赤舄猶然跋蹻兮陳蔡構其當阨矧羽族之微
杳兮安能縱此遠翮感時俗之嶮巖兮歎後路之難期
鶯鷺飽其在梁兮燕雀羣而來欺與鷄鶩而爭食兮同
鴻鵠而見羈隨兒稚以俛仰兮啄螻蟻以療饑雖作君
之近玩兮心每托於天陲顧乘軒而非分兮願有陰而
共怡白露警而性動兮秋風颯而情悲引流星而自照

兮對落月而增懼念羽族之非舊兮欲振發以何時安
得支遁以惠養兮使我去塵氛而上之

月峯集詩選

有所思 并序

蓋傷魏忠賢亂政而作也通篇皆寓言

有所思乃在羅浮之高山白雲連天不可上復崖巖業
鎖松關累石义牙而糾結荒榛蕪穢掩芳蘭山鬼夜哭
饑狃晨歎蝮蛇百尺甜舌肆齒得人因而彌歡暗雨累
日秋光寒猿悲蟬咽愁鳴湍猛虎忽震怒驚風撼林巒
道逢退走不敢視引弓欲射失心肝朱明曜出煜灼其
上唇焦口燥炙之欲乾金砂石體虛盤桓仙童玉女隔
雲端令人聽此心辛酸思君不見泪琅玕飛欲極兮恨

短翰側身東望空嶢岷慘獨怒兮何時安

其二

有所思乃在南溟之大海惡浪如山不可度陽春白日
沉光彩雷霆畫鬪壁岩巖連天感地浮銀鎧浩浩乎奔
車策馬之相送千峯萬壑倏而改中有鯨鯢鱣鯨鯨詭
顏而異首吞山吐嶽含雲靄又有天吳象罔之窮竒招
風募兩帆檣潰梗萍漂泊渺不知其所底偶然值之糜
如醢觀者皆震號死者不可相待嗚呼欲訴兮誰為宰
秦皇漢武如夢中三山銀闕今安在思君不見令人倏
急欲濟兮舟不逮側身極望涕泗沿慘獨憂兮心旣瘁

沈閔 并序

上桂寒劣幼服庭訓幸列賢書竊謂弱駒受策千里
可致而公車人對報罷者數自知不材始退然有邱
壑之想欲奉二親以終身乃先君子年僅六十遽爾
捐館且泝厥疾端有難顯言者言屈平志脩行潔為
其宗人蘭椒所害以今揆古怨豈異乎余枕塊欲死
莫可控訴乃竊放怨騷為沈閔一篇畧序姓系因布
哀衷焉

肆南陽之苗裔兮至弓高而始著歷晉唐以有聞兮迄
相州而顯遇余祖開基於魏國兮派殷繁而四布守慕

職於嶺南兮遂賁禺乎卜處維三十官之隱脩兮對灞
本而容與纘韋經以佑啓兮向青雲而步武伊安仁之
閎偉兮工製錦以揚聲武崗之佐刺秩兮譽交注於賢
明位雖卑而未達兮德並樹以榮名余少服皇祖之訓
吏期垂乎清白于公之廣厥門巷兮福若兆乎龜策慝
無隱而弗彰兮誠無微而弗格雖軾軻其奚悔兮仁獨
安其如宅迨余考其勤恤兮道正融其靡隳考澗漿以
自適兮志弗習乎詭隨盛幽蘭以自佩兮屏蕭艾而不
携璧在握而靡售兮誨惟取乎式穀述先烈之可循兮
譬中原之有菽余幼惛而善病兮誘之以舒徐執匕箸

以諄復兮雖飲食而罔

隱隱其如動兮甫齧齒而

知勸觀辟雍於童年兮舉孝廉於弱冠荷孫陽之特識
兮駒始躍而輒蹶豈弱力之難前兮將轡啣之竊詭意
飄蕩以難束兮遂徙業於他藝驗藥餌於仙經兮習方
伎之瑣細置靈根而弗沃兮托繁枝以自翳遂汗漫於
陳編兮田甫田以滋穢嗟居諸以易邁兮今年倏登乎四
十無道德之可式兮無勛業之可述願退處於林壑兮
奉吾親以盤桓製荷衣以明好兮具菽水以承歡時不
吾知其已矣兮祈天性之常完策仕進於仲季兮余巖
居而川觀運嶮巖其靡測兮悼吾考之遽殞由服義而

跖怨兮屈修仁而椒慍僞結交以相狎兮蒸醜毒而致
困賴良扁以少延兮竟否塞以成吝傷鬱悒其莫解兮
歎余罪通乎天乏蔡順之精誠兮同臯魚之涕漣進靡
沾乎釜祿兮退莫施乎萊綵萱孤生而若瘁兮桂被凋
而將殆長飲血以自傷兮覺餘生之已贅魂渺渺其無
定兮余終不知其所稅哀累善之無徵兮怨前志之竟
虛招列缺之我察兮藉豐隆以迅除苟吾恨之獲消兮
吾何愛乎斯須亂曰韓之爲宗末乃大兮世服圖史靡
有懈兮脩而獲妬衆所怪兮植莪得蒿孰與慰兮天道
茫茫惜蒙昧兮

五惜 并序

萬歷丙辰余春秋四十有五始以乙榜受一顰於中
山其明年冬以憂去追惟少時賴先人之教頗有知
識爲海內羣公所賞拔乃賢書列後惑志他岐矩獲
輒違進取復謬今二親繼沒疇昔名流寥落罕存而
余行業罔聞鍾釜靡慰生我知我不兩負耶感作五
惜以誌余過

一曰惜歲月蓋自古混沌旣判倫類斯繁孕精川岳翕
氣乾坤芒兮笏兮莫測芴兮芒兮可原爲仙庭之寶樹
爲幽壑之寒蓀莫不玉挾懷中珠擎掌上曦御初升霞

光始放幼而岐嶷長而韶秀頭角崢嶸精神馳驟
策足於康衢鸞鳳揚輝於遠岫青春豫樂以嬉以遊
嬌姿婉變逸態輕柔花朝笑其擲菓月夜誇其藏鈎
陌頭桃李竟芬芳江間翡翠映輝皇綠髻少年情自
別錦袍公子意非常或鬪雞而矜勝或緹犬以爭先
折柳中和之後執蘭上已之前自謂年華長駐春光
不改買醉懷高弔歡事倍五侯第內同追珠履之塵
百人會中獨喝金盤之采雨過雲迴兎轉烏催昔爲
美好今爲虺隤潘生有搖落之歎顏駟有老醜之哀
髮蒼蒼而就白齒兀兀以將頽往日慷慨豪設憑陵
俠骨扛鼎力雄冲霄氣勃不覺蹉跎偃蹇夔屈龍鍾
語言寡味嘻笑無容感墮英之寂寂傷逝水之淙淙
故日月盈則缺日中則昃善作不必善成善走何如
善息金火相守而流陰陽相薄而蝕湍澗之下鮮停
鱗驚飈之中無定翼雖有道參元牝術種靈禾覓丹
蓬島採藥崑阿終莫返虞淵之逸轍抗砥柱於傾河
徒疲夸父之策空病魯陽之戈是以志士競其分陰
上聖輕其尺璧冠掛樹而弗求屨遺塗而靡索寧然
膏以續明忍乘駒以過隙引鏡自照憂緒孔殷四十
已過五十無聞懼將來之有底嗟往事之徒紛寄語
髻年弱冠莫倚駕電噓雲

勃不覺蹉跎偃蹇夔屈龍鍾語言寡味嘻笑無容感墮
英之寂寂傷逝水之淙淙故日月盈則缺日中則昃善
作不必善成善走何如善息金火相守而流陰陽相薄
而蝕湍澗之下鮮停鱗驚飈之中無定翼雖有道參元
牝術種靈禾覓丹蓬島採藥崑阿終莫返虞淵之逸轍
抗砥柱於傾河徒疲夸父之策空病魯陽之戈是以志
士競其分陰上聖輕其尺璧冠掛樹而弗求屨遺塗而
靡索寧然膏以續明忍乘駒以過隙引鏡自照憂緒孔
殷四十已過五十無聞懼將來之有底嗟往事之徒紛
寄語髻年弱冠莫倚駕電噓雲

二惜
二曰惜志行嘗披典墳以逖覽有往哲之高踪太上稟
德於天性其次斂節於陶鎔恒履貞而迪吉罔投經以
卽凶何吾生之獨闇變往度而苟從當其聞禮過庭執
經負笈傍壁沼以棲遲分藜燈而講習亦嘗仰止高山
縱觀大海揚屋漏以興懷望塵全而恐浼歲月互換軌
轍多岐珠以泥汨金逐煨虧厭守方之困束樂放浪以
游移遂託意漆園駕聲柱下等毫末於太山喻萬物於
一馬認仁義爲駢枝薄禮教爲虛假又况韻學染指綺
語馳情將張未隊謬抗雄旌屈宋供其驅策崔張恣其

譏評遂謂吐鳳未工雕龍尙陋花開花落時廣野鳥之
吟雲去雲來或代天孫之繡鉢響在而篇成燭痕新而
句就於是豪心頓長逸興轉濃淋漓杯酒跌宕設鋒回
座駭其論說旁觀哂其形容崔瑗座右之銘衛武初筵
之誠簣每隳於垂成泉將淪於胥敗令遂往而不還誠
不知其所屈嗟乎詭跡易炫矩步難遵本從繩則直馬
受勒斯馴詩書禮樂總生人之布菽滑稽放縱寔世道
之荒榛用鈞吻以延齡借羊皮以補絡愚夫且謂弗宜
智士豈云可作在昔周處斬蛟誓志亦有戴淵投劍歸
義聞微言而忽惺受嚴規而靡棄割積習之牽纏証本

來之清粹並能流聲史籍作則士林就當時而共嘖歷
異代以企欽大道伊何迷途未遠譬彼農夫是穠是藂
苟夜氣之能滋願含芳於歲晚

三惜

三曰惜遇合夫聖明在御品物咸亨龍興虎嘯道與時
行有崎嶇之賤士獨壹鬱以傷情其處身也寡營其與
物也無競異讓得之前聞真樸出於至性自言家傍南
海系泝安陽五雲綯采北斗垂光倚旗峯之兗嶽引珠
浦之微茫舞象之年知名下邑入洛之歲偕計上方梅
花嶺畔白如霜楊子江頭映綠楊維舟建業看春色走

馬新豐問帝鄉聞道天朝招俊茂棘院深沉嚴晝漏凌
雲杞梓並承斤照日鴛鴦全入殼効太平而獻策擬大
寶以揚箴將杼負曝之蘊願漑烹魚之鶯燕臺雄駿似
雲屯蹇駑何堪重價論本期燒尾乘桃浪豈知點額困
龍門辭閭闔以蓬飄泝河淮以旅泊題詩瓜步之亭作
賦荆溪之閣文酒盛以相從賓朋歡其共譁棄九仞之
成勞希千秋之杰作雕霞鏤雪逞新裁筆底瓊花次第
開似從緱嶺吹笙過又向岷江濯錦回彈寶瑟以干齊
服章甫以適越雖工巧以何爲見趨舍之徒汨玉爲釜
兮珠爲糧金作楫兮銀作航欲療饑兮不可思遠涉兮

何方豫屢擊而不中管三戰而皆北諒天運之多艱亦
人謀之近惑口已邁兮月亦馳虛盛際兮空含悲求背
城兮拾燼顧然灰兮何時懼此生之泯沒故數過而長
咨

四情

四曰惜怙恃 本文殘闕

五惜

題文全闕

壽宮詹蕭大宗師

世人誇上壽保護惟一身君子變元化匡扶在萬民我

師抱碩望至性等麟仁遂起蒼梧野歛為紫禁巨蓄霖
羣待潤鼓化會持鈞茲扁懸弧候紫氣鬱困輪上客咸
來集孤羈亦見親競奏萬年酌齊傾千日醇高懷嗟獨
遠私福安足珍幸已列槐棘將何濟險屯一夫未獲所
聖佐有餘輦湛露恩無負作朋報可伸偉哉上臣則賤
子敢代陳

別錢受之

丈夫涉世間出處各有以百里會飯牛公孫先牧豕渭
水有時興桐江終不起出者乘雲龍處者耽元旨性定
詎能移聖真固難改子抱干將奇利器誰與比屠龍偶

未酬剗犀終可擬予也枯槁姿癖意在山水羝羊數觸
藩朽樗何用爾組紱既無絲烟霞任栖止便汎五石匏
將躡東郭履異時倘相尋或在吳門市

贈黃仕明進士

壁生重巖中出爲廊廟器精采貫長虹郊壇禮天地吉
士負經綸獨抱千古志當其未遇時掩抑誰相示一朝
吐光華枯崖盡生媚連城始足償置庶何容棄顯晦固
有期磷緇仍所忌願言謹磨礪勿受微塵翳

呈大方伯蔡公

治國尙無爲烹鮮貴不擾體以靜乃寧器惟矜故小我
公宏素量襟懷涵浩渺應卒務用閒大智戒私功真意
格豚魚和風拂百艸飲醇歡欲忘飲德情如飽匪直制
機宜可以養壽考異時入作朋岡陵永不老

別劉觀國

處則爲下璞出則爲璠璵貴賤有時別精光永不渝再
別非所歎雕琢深足虞大物戒小用大智貴若愚願言
珍廊廟毋爲珮瓊需

別孫無撓

雙劍匣豐城曾受張華識一壁藏荆山亦被卞和得世
之劍壁寧無多不遇張卞將如何送君之行無可贈感

激往事揚高歌

篇終接
混茫

真僊大佛歌贈蔡五岳明府

蔡先生爾有含霜飲露之神骨又有餐霞映日之僊顏
 心遊西域旃檀國足踏東海蓬萊山自從混沌已剖戰
 爭以還長平一坑四十萬中間豈必盡愚頑亦有纏嬰
 世網無處逃間亦有沉酣俗味輒起嗔貪達摩大士久
 迦龕紫氣青牛已出關辟支小禪空浪談金水竭盡髮
 鬢鬚先生挺足起其間左招桂父右揖瞿曇慧識靈心
 方寸涵烟霞世界一肩擔亦嘗蒲田試宰香山治蠻鯉
 湖九滌聲浚潺十洲縹緲期躋坂先生身佩靈錄口誦

法函誦再鼓清風含
 市闌飲冰茹蘗情如甘兩地棠陰比召南卽今鳧鳥影
 高翻宮闕金莖碧漢參粉署委蛇動佩環何殊內殿鴛
 鸞班先生勸上帝以好生爲大德以清靜爲樂耽趾如
 仁麟不輕踐啄如威鳳不多婪無懷葛天當再見清都
 樂國夫何慚出入閭闔整朝簪蒼龍夾轂獅象驂真仙
 大佛現塵寰何必遠數如來及老聃

貧女吟

貧女擇所適蹉跎三十年夜靜事紡績但望鄰壁穿鄰
 壁有燈不肯借玉梭停織淚雙下累成匹帛作短衣又

與東家送行嫁年來嫁却幾多人皓齒蛾眉善笑顰生
男早已歸舅氏生女依稀結晉秦街頭老母發慈念告
汝拙容徒取厭不如學步逞娉婷更拂羅裳弄嬌艷貧
女愁思習巧粧強將舊服試加長量情終覺不相稱顧
影翻疑柳絮狂兩手捲衣心愈苦幽房獨處寧寒窶鴛
鸞伉儷自有時掌上焉能隨燕舞

贈定武州司馬馮見龍

羨爾名家子青霄見鳳毛風流郎署舊勲業度支勞僚
散同蓮幕官清似馬曹海沂功足頌不負呂虔刀

其二

民莫近如此時危更未遑千鍾輸一石剗肉暫醫瘡鄭
俠圖堪土賈生憂獨長催科存撫字端不愧循良

按明萬歷間神宗銳意聚財中使四出礦稅流毒民
困已甚邊方又數用兵故次章云然然千鍾輸一石
二語則說盡古來徵歛之弊鄭俠之圖所以繪而賈
生之憂所以長也如此詩可作史論讀

京邸守歲

萬里辭家客三年望闕情陰陽催短燭絲管入新聲雪
重寒廬壓貂殘瘦骨驚遙知故鄉處縷酒到天明

七夕後一日旅館集詠

昨夜同乞巧今朝若個多世情看漉漫拙性任蹉跎鵲
散橋空斷霞消輦罷過怪來風雨劇銀漢轉生波

送曾蒼巖座師出都門

少貶是君澤長歸卽聖恩冥鴻驚慕弋澤雉喜離樊落
日琴三弄佳辰酒一尊滄浪最深處庶可滌囂喧

雨夕論詩贈葉啓之

文章關大雅體格自天成勿以一時尙而將千古輕先
民懸往範晚代習新聲砥柱今誰在狂瀾且振傾

登白雲峯聽泉聲

纔聽泉聲意已清向來滴溜爲誰鳴眼中塵緒飄然盡

杖底芒鞋颯欲輕商皓茹芝終入漢箕由洗耳亦求名
一杯淡水神仙福未許時人借濯纓

此詩後解罵盡終南捷徑充隱一輩人覺槃澗高士
秋水伊人自有真際讀之大爲山林吐氣

東征歌十首 并序

按明史僞倭王平秀吉者起人奴篡立雄踞日本三
十六州窺朝鮮無備分遣行長清正等率舟師從對
馬島至釜山攻朝鮮萬歷二十年五月入王京朝鮮
八道幾沒國王李松倉皇出走渡鴨綠江請援之使
絡繹於道詔以宋應昌經畧備倭軍務李如松爲總

兵官救之公聞而敬此

我皇六月東出師黑雲高捲羽林旗維舟瀛海三山石
繫馬扶桑萬仞枝

其二

樂浪東郡枕相連萬里金甌護漢邊聖主恩深勞問罪
此行本爲國朝鮮

其三

大將橫行海上頭縱金伐鼓耀神州甲環蓬島高相並
馬飲東溟竭不流

其四

十萬旌旂閃絳雲三千龍虎鎮雄軍師行不用傳刁斗
夜半天雞徹曉聞

其五

猛士投鞭截海流臨行笑贈拭吳鉤曩時已斷天驕臂
此日還懸日本頭

其六

邊風蕭颯海雲颺日足森森照綵旄綠江頭渾如酒
犒師何用更投醪

其七

天邊繚繞下勾陳玉女經行指過津近見蓬萊較清淺

多因車馬簇成塵

其八

前旌鳥隼競飛揚後陣龍蛇勢莫當精衛亦知啣木石
鼉鼉今擬駕橋梁

其九

萬里長驅出漢關掃清島嶼始應還戮取鯨鯢爲巨觀
別開樓閣傍神山

其十

鷓首朝驚水怪頻三山宮闕總如銀繫來男女知多少
猶是當年採藥人

按明史明年李如松以連勝輕敵敗績於碧蹄館尋
倭糧盡棄王京走踞釜山遂議封貢召應昌如松還
遭歲議不就二十四年復遣使封平秀吉爲日本國
王倭已受册而怒朝鮮報謝無禮留兵釜山如故明
年破朝鮮復逼王京王師數出無功二十六年秋平
秀吉死羣倭皆有歸志其渠帥清正棄蔚山先遁行
長亦遁官軍分道擊敗之羣倭揚帆盡去其禍始息

廣東文獻二集卷之八分目

潘郡博廣州鄉賢傳

列傳

附論

周

楚相南海高固

漢

高士番禺董正

孝子番禺羅威

布山令番禺唐頌

晉

大中正南海王範

孝子東莞黃舒

廣州中兵參軍贈始興太守曲江縣侯謚忠義南

海洗勁

羅州刺史新會馮融

唐

宏詞進士刑部尚書同平章事連州劉瞻

廣州節度使贈兵部尚書謚貞南海孔戣

尚書右僕射番禺鄭愚

容管經畧番禺何鼎

子澤附

南漢

狀元及第尚書右丞南海簡文會

進士及第參知政事番禺鍾允章

宋

廣州刺史連州邵暉

校書郎增城古成之

國子監直講贈尚書謚章靖南海馮元

高士南海梁觀國

道學稱歸正先生

知容州軍新會馬持國

子蹄驥附

新昌令南海黃勳

張杖門人

高士南海簡克己

弟機附

知桂陽軍番禺曾槐

觀文殿大學士贈太傅南海郡公謚清獻增城崔

與之

梅州守番禺蒙甄

符璽郎大學學錄順德梁伯揆

道學稱端懿先生

狀元及第秘書郎順德温若春

吏部侍郎番禺縣男謚忠簡番禺李昂英

右正言番禺郭閻

高士東莞李用

道學稱竹隱先生子春叟附

知全州軍番禺陳大震

兵部尙書番禺王道夫

狀元及第龍圖閣待制順德張鎮孫

清海軍副使番禺陳息卿

長樂令增城李肖龍

工部侍郎香山馬南寶

義士東莞熊飛

義士新會伍隆起

明

山東右布政使東莞伯謚忠靖保障嶺表率土歸

明東莞何真 子榮貴宏附

都巡檢贈兵馬司副指揮謚敦武順德關敏

吏部尙書增城張度

翰林典籍順德孫蕢

給事中海王 佐

翰林待制番禺黃 哲

洛陽長史番禺李 德

高士贈御史番禺趙 介

明經新會黎 貞

教授順德廖謹

禮部侍郎東莞陳璉

浙江按察使南海周新

巡撫宣大都御史東莞羅亨信

青陽令東莞翟溥福

順天府尹番禺陳諤

巡撫遼東都御史東莞彭誼

巡撫延綏都御史東莞盧祥

高士新會陳琮

翰林院檢討謚文恭從祀孔庭先儒新會陳獻章

高士新會楊英 子敷附

山東學政番禺陳政

戶部侍郎南海李嗣

福建按察司僉事順德康麟

巡撫甘肅都御史新會魯能

慶遠郡守南海吳讓

長樂令香山黃瑜

漢陽郡守順德何淡

撫州郡守番禺張瓚

江西按察司僉事南海陳騏

江西參政東莞祁順 子敏敷附

湖廣按察司副使新會余諒 弟統姪敬附

江西參議南海黃皞

襄王府長史東莞林光 陳獻章門人

高士順德李孔修

戶部尚書順德張泰

巡按御史南海邵智

巡按御史順德李聰

江西按察使香山黃鑰

華蓋殿大學士贈太師謚文康順德梁儲 成化戊戌會元

陳獻章門人

通政司參議番禺張詡 陳獻章門人

進士及第翰林修撰番禺涂瑞

江西布政使順德蘇葵

袁州府通判順德梁奎 陳獻章門人

贈少保大學士南海方用中

壽王府長史順德梁景行

戶部尙書東莞王纘

兵部侍郎南海黃衷

兵部侍郎順德洗光

延平郡丞增城湯文經

狀元及第詹事府右春坊右諭德南海倫文叙 宏治

已未會元

光祿寺少卿南海陳則

四川參政增城盧綸

南京吏禮兵三部尙書謚文簡增城湛若水 陳獻章門人

人

應天府尹南海陳錫

少保武英殿大學士謚文襄南海方獻夫

戶部郎中順德黃著

廣東文獻卷之八
太常寺卿南海黃重

湖廣布政使順德何鰲

廣西參政順德梁億

禮部員外郎贈太常寺少卿順德張潔

興化節推順德鍾善經

南京禮部尚書謚文敏南海霍韜 正德甲戌會元

兵部員外郎南海梁焯

進士及第國子監祭酒南海倫以訓 正德丁丑會元

戶部郎中順德張拱辰

山東布政使順德劉士奇

刑部主事贈光祿卿番禺王漸達

雲南按察司僉事東莞鍾雲瑞

諸生香山黃畿

監察御史從化黎貫

詹事府詹事贈禮部侍郎謚文裕香山黃佐

刑科給事順德余經

順天府通判番禺黎瞻

巡撫貴州都御史番禺李義壯

浙江布政南海梁廷振

信陽令東莞陳建 道學稱清瀾先生

瑞金令番禺趙勳

新城令番禺郭大治

湛若水門人

曲靖郡守南海龐嵩

湛若水門人

戶部員外郎東莞林烈

魏莊渠門人

河南參議從化黎民表

錦衣衛新會陶鳳儀

南京禮部尚書謚端恪南海何維栢

南京工部尚書南海陳紹儒

福建布政南海盧夢陽

雲南副使順德馬鍾英

惠安令贈太僕卿番禺林咸

寧德令贈太僕卿番禺李堯卿

南京工部郎中順德歐大任

刑部主事順德梁有譽

雲南兵備道增城胡庭蘭

川東撫苗道番禺梁士楚

上思州牧順德何道瀾

左副都御史總督福建軍務謚惠敏南海龐尚鵬

弟尚鴻附

會稽令番禺古文炳

上思州牧南海楊茂先

永平兵備道南海陳稟言

廣西參政從化黎民衷

瀘南兵備副使順德黃應龍

廣西僉事南海霍與瑕

雲南布政南海郭 棐
僉都御史提督南贛軍務番禺蒙 詒

湖廣布政番禺王原相

湖廣僉事新會陳吾德

贈少保大學士順德黃 鎬

平樂府同知順德梁紹震

尚寶卿南海陳堂

監察御史贈光祿卿東莞林培

夔州郡守南海朱讓

刑部員外郎贈光祿卿南海王學會

僉都御史連州曾象乾

高士番禺潘梧 湛若水門人

貴州參議南海盧龍雲

都督援遼總兵贈少保謚忠愍東莞陳策

監察御史南海劉景辰

諸生贈太僕卿番禺黎密

九江府通判順德吳繼禧

南京吏部尚書謚文懿新會何熊祥

雲南副使順德羅應許

浙江布政順德梁有年

大理寺卿番禺曾陳易

貴州巡按贈光祿卿南海馮奕垣

南京刑部尚書贈太子少保南海潘濬

賀縣令從化歐陽暉

福建鹽運使從化譚焯

江西巡撫贈兵部尚書南海郭尚賓

廣西提學副使南海關驥

吏部侍郎順德黃儒炳

戶部尚書贈太子少保謚忠定南海李待問兄孝問附

永平推官贈光祿卿謚節愍增城何天球子鼎鉉附

大理寺卿新會倫肇修父大禮附

雲南參政順德區龍正

紹興府教授南海梁鉉

禮部尚書贈太子太保謚文介香山李孫宸

寶鷄令贈光祿卿謚節愍番禺唐夢鯤

貴州臬使新會林枝橋

吏科給事贈太常卿南海陳熙昌

潁州郡守番禺蕭嗣立

吏部郎中順德趙恂如

新建令南海關季益

和州牧贈太僕卿謚忠節順德黎宏業

巡撫福建都御史東莞蕭奕輔

吏部郎中順德李廷龍

監察御史順德梁元柱

太平節推連州莫與齊

雲南巡按順德胡平運

廣德州牧番禺黎崇宣

嘉興郡守謚節愍新會鍾鼎臣

襄陽節推謚烈愍番禺鄺日廣

續傳附論

中大夫南宮侯漢南海張買

漢臨海太守南海楊孚

唐高士南海區冊

明承事郎順德羅忠

附論

廣東文獻二集 卷之八
附上制府揭侍郎請立縣書

廣東文獻二集

順德羅學鵬雲山甫編輯

卷之八

男

培植槐
清滙綸校

潘郡博廣州鄉賢傳

孫
朝 孫 朝 連 叅

列傳

潘樸元字浣先廣州府番禺縣人也曾大父暨厥考咸以學行見重於時樸元以名家子早年聲華籍甚粵中大帥甚器之游歷廣郡儒庠博士故事無官本郡者益異數也所著有廣州鄉賢傳四卷侍御黃鶴仙序之曰士君子生於世得志則殊勛偉績不得志則氣節文章所趨不同原其心皆欲不朽然非得後賢序述生徒赫

廣東文獻二集

卷之八

廣州鄉賢傳

一

春軍堂選

原身三處二集 卷之八
一 春晴亭
赫死後汶汶豈不遺恨千載是編哀輯勗詳考綜最核
義例一本醉餘先生手定昔司馬談欲修史記子長克
紹前徽班彪草創漢書孟堅遂成先烈潘氏父子名山
事業已見一班云

按番禺縣志庶職傳云潘稊元由順德縣學增廣生
員順治初年總督李率奏薦授廣西北流縣儒學教
諭康熙十五年擢廣州府儒學教授

曾祖梧師事湛若水若水謂梧言行坊表士貴特操
字之曰太操家本披頭遷西村塋先世於西竺地近
省城他家塋墳爭爲侈麗梧獨築沙土令堅緻而已
後廣州被圍大兵發墓石爲礮車他塚盡毀爲潘塚
獨完人服其先見云崇祀郡校

父雲衢少穎異受學於梧梧器之曰是兒他日當不
負詒厥者崇正庚午舉於鄉數上公車所交皆當世
知名士粵東當乙丙之交擁戴唐藩之弟多得美官
雲衢亦授僉事然時事不可爲力辭不受厥後廣州
城陷死竄相繼雲衢入瀧州隱靈陽山中講業學者
稱爲醉餘先生

廣州鄉賢傳 卷之八 二 春明堂

廣州鄉賢傳

周

高固南海人周顯王時楚子使熊商滅越兼有南服是為楚威王固為楚威王相時鐸椒為威王傅固以王不能盡觀春秋乃採成敗凡四十章進之文敘日興五羊啣穀萃於楚庭南海人為畫圖以表固功

漢

董正字伯和番禺人少通毛詩三禮春秋熹平末天下大亂正觀天象知漢祚不永或勸之仕答曰潛龍以不見為德吾俟時耳躬耕自贍暇即講詩說禮遠近

廣東文獻二集 卷之八 廣州鄉賢傳 一 春軍堂



多從之遊里中有不善者惟恐聞知南陽車遂聞正名不遠千里投之相親如兄弟病罄資以救卒具殮還其喪粵產多貨番禺爲都會商賈輻湊加以夷獠雜處習俗輕悍感正清白澆俗日更卒塋番山之東表曰有漢徵士董君之墓晉時南海太守袁宏追想風采表其行誼於朝詔表間墓禁樵採

羅威字德仁番禺人髫齡卽知禮讓八歲喪父哀毀如成人奉母色養遇寒先溫被席母乃寢夏月撤帳而卧曰吾留蚊蚋恐去齧母待妻子如賓力耕自給鄰家牛數犯其穡威刈芻潛納其門牛家知之感其長

者乃戒牛勿犯出遇老稚於塗必代其任邑人化之令異其行強辟爲吏遷於增城令去乃返母沒哀毀骨立日進溢米蔬食三年廬墓盡哀白鹿止其側馴擾如家畜與唐頌齊名南海太守王僧孺下教求士有曰孝實人經則有羅威唐頌學惟素本又聞陳元士燮自是高尙獨往相望於嵯岞懷仁抱義繼跡於前史蓋廣之多賢由三數公倡之也

唐頌字德雅番禺人以孝聞連喪父母哀毀幾滅性逮塋負土爲墳結廬墓側朝夕哭泣捧盥進膳事之如生甘露降於樹馨郁霏霏彌月不散白鹿拾食廬次

廣東文獻二集 卷之八
如家畜人咸異之終身不純采非祭不近酒肉忌日必齋見父母遺物必泣率以爲常郡舉孝廉令布山布在鬱林山中民夷雜處難治頌化以寬和挫強扶弱惠及憚嫠民感其仁無梗化者頌卒民報祀之南齊范雲刺廣州遣使祭其墓與羅威董正號三賢

晉

王範南海人有鑒譏吳孫皓時不仕或問之答曰見繒繳不避非靈禽也晉平吳行九品中正法以範爲廣州大中正選舉人才皆愜輿論時司馬彪號博物嘗著九州春秋範見其畧於服嶺乃蒐羅百越典故爲

交廣春秋上之訂述該核交廣素闕修載初自範始黃舒東莞人性至孝家貧力業以供滫瀡當奉養時雖盛暑不脫衣冠親所頤指雖艱難不以爲勞父卒負土爲墳結廬墓側深野無人豺狼左右號而舒安之每夜哭聲人爲泣下却酒肉不御日進糜一盂形容枯槁人曰舒生能致養歿能致哀今之曾參也奏旌其門曰參里山亦更名參里山 今隸新安

洗勁南海人家本武帥世爲部曲至勁讀書尙節操爲廣州中兵參軍元興三年盧循寇廣州勁帥兵出戰爲循所執欲釋而用之勁叱曰賊奴敢凌國士耶遇

視驩州去京萬里卽貶爲司戶叅軍命李庾作詔極
詆將加誅以幽州節度張公素申救乃免僖宗卽位
名爲刑部尙書同平章事將還長安市人率錢顧百
戲以迎瞻聞改道入居相位三月爲路韋黨酖死瞻
爲人廉介入相後第舍無所增行已終始完潔

孔戮字君嚴聖裔宦嶺南遂家焉官華州刺史明州歲
貢蚶蛤之屬役夫四十萬奏罷之會嶺南節度缺帝
謂裴度日向論罷蚶蛤者誰可爲朕往度以戮對乃
任之至免州屬通負緡米數十萬南方嚮口爲貨掠
人爲奴嚴禁之黃洞諸蠻叛容桂二管利擄掠幸有

功乃合兵請討戮極言不可帝不聽後果無功安南
乘之殺都護而二管皆憂死戮不貪功交廣大治卒
贈兵部尙書謚曰貞

鄭愚番禺人登開成進士觀察桂管闔境肅然嶺南節
度蔡京淫刑爲軍士所逐以愚代之方綏輯不暇而
南詔入寇安南都護蔡襲告急敕發荆湖桂管詣邕
受愚節制援襲蠻寇邕州又敕愚分兵守禦而所發
諸道兵不進襲力請益兵愚支持半載邕州獲全朝
廷反督責之愚乃上言請用武臣於是詔義武節度
康承訓代愚發四道兵救襲已無及矣承訓上言愚

在鎮善守禦狀朝廷始知其功徵拜禮部侍郎黃巢
平後廣州殘破僖宗命愚出鎮以撫綏功拜尚書僕
射三載卒詩文多散佚初愚之蒞桂也以平章崔鉉
負重名着錦半臂袖所爲文謁之鉉訝愚平日未嘗
以文章及門寘案不視惟留夜飲愚出更衣旣而易
紅錦就席煥麗踰前愚出鉉閱其所業曰真銷得紅
半臂也

何鼎番禺人少聰敏大中初官容管經畧時承亂後民
生憔悴鼎專意招徠民賴安堵尙賊梁宗煽亂單車
往諭降朱全忠強逆不臣鼎誠諸子毋事全忠謂全

忠克類祿山而宜淫彌甚將有慶緒之禍以勢覘之
全忠將改玉揆之星象唐當復興晉分野有王氣其
在河東乎鼎沒後友珪弑全忠莊宗滅友貞悉如鼎
言諸子守其訓皆事莊宗

子澤舉進士好直諫爲洛陽令時唐莊宗好畋獵數
殘民田澤叩馬死諫莊宗爲之止獵明宗時屢上書
言國家之大計五代之際民苦於從征多規免賦役
仕至戶部歲給蠲符課州縣出紙號爲蠲紙澤陳其
弊民便之

南漢

簡文會南海人工詩好直諫南漢主劉龔開科取士擢
第一人及第累官尚書右丞及事劉晟諫其暴虐謫
刺貞州勞心撫字卒於官所居里有簡狀元井後倫
文敘亦居其地云

鍾允章邕人徙番禺博學能文登進士及第官中書舍
人見知於南漢主劉晟誥敕多命爲之操筆立就文
藻燦然遊羅浮應制詩多稱旨知制誥遷工曹使楚
求婚不許是時湖南大亂允章還具言楚可攻狀遣
將伐之克賀桂七州以允章首議賞賚不可勝紀命
教長子銀晟銀既立參知政事銀淫虐宦寺亂政抗

疏請誅之銀不從大寶二年銀郊天允章登壇指顧
宦寺誣其謀反下獄族之是日天色昏慘人皆掩涕
弟有章官翰林亦有名

宋

邵暝京兆人徙桂陽登太平興國進士爲蓬州錄事雪
冤獄太宗賜錢褒之奉使安南會黎桓死其子兄弟
弑立治兵相攻暝駐嶺表以狀聞改沿海安撫使便
宜行事諭以朝廷威德定其位還改兵曹賜金紫大
中祥符中知廣州州城瀕海番舶至岸常苦颶風暝
鑿內河通舟颶不爲害人呼爲邵父云

古成之本河源人流寓增城按增城縣志亦入流寓當以流寓為正今詳列郡名賢錄茲不贅

馮元字道宗南海人從孫奭授五經大義登大中祥符進士官國子監直講王旦聞其名令講論語薦之真宗名講易泰卦上悅賜五品服帝稱元誦說通而不泥言外自有餘趣非專門名一經也仁宗時兼侍講預修三朝正史史館修撰改禮部侍郎獻金華五箴上納其戒賜書褒美又領修樂書書成賜名景祐廣樂記卒贈尚書謚章靖

梁觀國字賓卿南海人鄉薦不第退而嘆曰聖賢教人

豈使之誕於紙筆以干澤乎乃取所作科舉文火之以自治身心為主一言一動必求合古人病聖道不明由異端害之乃力闢佛老窮其指歸日以譚道為樂尤嫉僉邪而重忠義正人被謫至粵必求見焉紹興中高登忤秦檜謫榕州觀國與之善登以觀國所著文達胡寅寅與論古今人物出寅意表蘇軾父子以文名天下觀國謂其雜禪學餘縱橫非有道之言著有歸正集議蘇文編喪禮壺教付其女弟為師以訓童女

馬持國字鯁臣新會人紹興間上策督府張浚置之幕

下不合去兵部胡銓見其稟以爲奇盧州安撫使張希因使招集流民上其功補上州文學攝武鋒都司指揮郭棣薦其宣力精敏持論公正乞名對陳時務三策持國以國家之耻未雪講解之謀爲非乃著十論標曰中興自治萬全策又集生平京議朝堂前後事宜曰愚忠錄繳進上嘉納之楊萬里見其文曰有用才也後以和議成乞外補得廣東塩幕至則罷蛋戶丁錢民便之通判欽州知榕州民立祠祀之子諱驥擢進士第調安豐善决獄判端州有以硯獻曰此雖非暮夜金何敢污家聲耶尋知雷州孫榮祖

知英州三世二千石

黃勳字有功南海人第進士令新昌郭外昏夜殺人遺所刺刀皆豕膏也使集屠者刑牲賽神一人刀獨新鞫之卽伏人以爲神又課民耕犢使上其數於官自是無敢私宰耕牛者

簡克已南海人少習舉業已而棄去師事張南軒講性命之學以真知實踐爲宗嘗曰仁爲四德之長人爲己私蔽之以失其性故爲仁莫要於克己己私旣克則與天地流通而用不窮矣崔與之謁見執弟子禮廣帥廖德明亦雅重之

曾槐字仲卿番禺人嘗遊周必大楊萬里之門弟機亦力學修行兄弟同登進士令歸善郡有豐湖可潤數里隄圯檄槐修不擾而辦以薦得內差遣出知桂陽軍郡舊無城請築不報槐乃樽節以給用事竣而民亦不擾著有省齋集桂水續集

崔與之

已見初集

蒙甄字汝器番禺人嘉定進士守循梅屢立戰功理宗朝賜紫金魚袋尤精禮記其後多以家學顯

梁伯揆字宗盛番禺人今隸順德父仲欽博究羣書尤邃性命之學真西山稱爲純儒百揆登嘉定進士官

太學學錄正身端範啟迪有力晉符璽郎立朝侃侃雖職非言路而屢疏條議國政有直聲史彌遠廢立引病歸闢異端崇正學有功名教學者稱爲端懿先生

溫若春番禺人今隸順德少力學以孝聞領鄉薦計偕不第志不少衰歷三十五年嘉定中登上第調英德教遷太學學正轉校書郎有模範文譽蔚起上詢南中人才於崔與之以若春對遂除秘書與之帥維揚與若春別曰人之功名晚節爲難若春唯唯遂乞休方廣帥立四先生祠祀古成之李昉英郭闡若春云

李昂英 已見初集

郭聞字開先番禺人登淳祐進士官御史時緣征權激
變民遂相率爲盜聞奏罷之遷正言首言納諫之道
以廣上心又言士大夫奔競營求縱盜害良又言上
下不相應選閩帥按偏裨旌死節爲方今急務乞選
朝臣出使審核虛實庶幾募兵督餉不敢爲欺時禁
廷臣預邊事聞自官臺諫後悉心擘畫於兵餉額數
皆上聞以勞瘁卒於官

李用字叔大東莞人少孤事母以孝聞德器凝重造次
必以禮初業科舉及讀周程諸書卽棄之杜門潛心
理學將三十年踐履益熟從遊日衆李昂英就見之
曰吾今乃見有道君子矣著論語解究明伊洛之奧
旨以溯洙泗之源昂英進於朝授官不受學者稱爲
竹隱先生理宗御書竹隱精舍額賜之
長子春叟以薦爲司理嘗辨冤獄當路不從卽投告
身歸絕意進取著論語傳說朝廷聞其名賜號梅外
處士宋末邑人熊飛勤王潰歸駐兵於邑民逃亡飛
榜限其回家叟力諫乃止時羣雄四起以春叟故不
忍剽掠邑人賴安元兵欲剽東莞春叟謁其帥以死
爭乃已

陳大震字希聲番禺人寶祐進士知雷州建平湖書院祀寇準及蘇軾兄弟有夫婦殺養母僞以盜訴怪其詞色廉之果非盜改知全州元兵壓境知力不支自劾歸端宗入廣名爲吏部尙書不就宋亡元錄遺臣授以官不受著有南海志

王道夫番禺人從大震遊登進士尉連山有保民禦寇功度宗寵以御格有金注碗盤之賜元兵入粵張鎮孫敗後凌震收拾散亡與文天祥爲聲援端宗召大震爲吏部道夫爲兵部將兵與凌震爲犄角景炎二年文天祥復惠州道夫與震乘勢復廣州加學士元人復陷廣州道夫遁去宋亡不仕恚憤卒

張鎮孫字鼎卿南海人今隸順德咸淳辛未廷對第一所對策有曰帝王之治天下自積一念之仁始帝王之仁天下自積一念之敬始臣觀聖心或者未能積敬也主一之謂敬無適之謂一今恐懼於旱潦之警而悅懌於瑞芝之觀何所積之未純耶齋莊於薦享之時而轉移於迎薰之際何所積之有間耶時度宗留意穢祥故言之皆人所不敢言者端宗航海海上軍潰奉鎮孫爲帥乃與凌震結集行伍誓圖恢復詔以爲廣東制置使委以軍事元呂師夔入廣州聞鎮

孫至退走鎮孫復廣州十一月元右丞塔出會師夔
攻廣州鎮孫力不支被執北去死於大庾嶺文天祥
作詩弔之

陳息卿字鵬圖番禺人咸淳進士歷清海軍副使民愛
之肖像祀焉世有顯德祖夢龍知鬱林父炎震知建
康叔大震官吏部孫道太僕卿大章刑部尙書堂光
祿卿

李肖龍字叔膺增城人咸淳進士令長樂縣多豪強凌
小民致逃亡爲盜乃立團堡法使鄉民各自爲兵人
多相識無敢爲盜邑學宮毀於兵倡建之著有易傳

五教書行世

馬南寶香山人世殷富讀書好義端宗航海過邑獻粟
千石供軍拜工部侍郎張世傑等奉帝幸沙冲宮於
馬南寶家竭力保護元人無知者陳宜中欲奉帝走
占城不果遂逃去南寶聞之慟曰丞相不反國事去
矣果然帝崩於硃洲還殯南寶家宋亡不食元人籍
仕宋者南寶不以姓名降嘗作詩曰翔龍宮殿已蓬
飄此日傷心萬國朝目擊厓門天地改寸心難與夜
潮消黃屋匡扶事已非遺黎空自淚沾衣衆星耿耿
滄溟底恨不同歸一少微後莫知所終相傳端宗臨

幸時丹荔方熟帝摘一枝其後經摘處風味獨殊
熊飛東莞人有武畧善騎射宋末募兵勤王飛應詔隸
文丞相麾下丙子兵潰元人脅降飛佯爲守惠潮元
人疑謀殺之飛遁還東莞元人追之至邑榴花村飛
勒兵斬之至今此地風雨猶聞鼓角聲也卽會制置
使趙潛復韶州又會新會令曾逢龍復廣州元人入
梅嶺飛與逢龍禦之逢龍戰死飛退保韶州元人復
圍之韶州守將劉自立叛降元飛巷戰敗績赴水死
伍隆起新會人高大父珉高宗朝守恩州卒於官因擇
新會家焉宋末帝昺次厓山隆起以世受宋恩非死
不報乃率鄉民爲義兵貢米三萬七千石時元人陷
廣州隆起以死拒敵爲其下謝子文所殺以首降陸
丞相取遺骸以香刻首塋之卽香頭墳也後生得謝
子文戮之以祭其墓

明

何真字邦佐東莞人少英偉有遠畧時嶺海騷動王成
陳仲玉構亂真舉義兵執仲玉成築砦自守真募能
縛成賞十千成爲奴所縛真釋之曰公奈何養虎自
遺患耶奴求賞與之而烹奴以爲奴反主戒人服其
公趣歸之無何叛將黃裳等據惠貪虐民苦之共迎

真爲之逐之行省上其功遷惠州路同知南海民邵
宗愚倡亂陷廣州大肆焚劫真帥兵攻復其城擢廣
東分省參知政事宗愚復叛再陷廣州真兵再攻廣
人爲內應復克之遷右丞真兼有廣南或陳符瑞爲
尉佗計者卽戮之洪武元年命征南將軍廖永忠平
粵真卽詣軍門上印綬奉表請降詔褒之殺宗愚而
招降其餘孽卽乘傳至京授江西行省復遷山東行
省命還廣東收集部曲還又命往雲南轉餉還擢山
東布政又命往廣東收集土豪十九年致仕真爲政
風行霆斷人莫敢犯二十年封東莞伯賜第京師二

十一年卒上親爲文祭之謚忠靖真性忠順謹救故
能以功名終好爲詩公餘綴文無虛日嘗至梅關謁
張曲江祠有詩云提兵昔過梅關北奉命今還庾嶺
東古廟尙留朱履蹟舊題驚見碧紗籠一天雲氣千
山雨萬壑松聲百里風謁罷遺祠重回首蓬萊官闕
五雲中過龍潭峽詩云水落鼉鼉隱釣臺峽山風動
野雲開寒潭昨夜龍歸晚帶得前山驟雨來真捐田
四千畝以贍族宋承旨濂爲作義田記自是而東粵
捐義田者接踵皆真爲之倡也子八人

榮讀書有文名襲封東莞伯坐藍黨被戮

貴有學行卽惠州豐湖爲書屋講學其中方孝孺序
詩文稱其博雅善文章且富而好禮
宏風度凝峻好學能文高皇召見與語悅之授尙寶
卿與貴皆坐藍黨死之

萬歷間奉旨建祠於東莞城北春秋有司特祀焉

關敏南海人今隸順德元末豪民各據鄉土敏亦舉義
保障里閭賴安征南將軍廖永忠駐廣州敏以所屬
歸附民悉復業惟龍潭未欵敏率兵擒賊首蘇世祿
永忠賞其功授都巡檢後餘黨復熾攻陷其鄉敏闔
家二十餘口皆死之事聞贈兵馬司副指揮立祠歲

祭謚敦武

張度字景儀增城人洪武貢士計偕京師會罷科舉選
賢能補憲職擢御史劾勦戚之怙勢者又奏建雙忠
祠以勸忠魏觀治張士誠故官爲府署上命度偵之
得其實擢守常州禮教大行爲京畿治行第一名拜
吏部侍郎條舉銓法晉尙書黜陟咸允朝野欽之後
以小累獲譴卒上驚悼使人視匣中不滿數金命以
大臣禮葬

孫蕢

王佐

黃哲

李德

趙介

俱見初集

黎貞字彥晦號秣坡新會人從孫黃游博洽能文揚摧古今多獨見以郡庠舉訓導不就退築釣臺曰此嚴瀨也八年以明經辟至京托疾不赴部試浩然出都門館閣巨公重其才留之商酌朝廷典禮兩閱月乃歸會鄉人構訟貞爲解紛謫戍遼東十八年艱危困阨中講學愈力聞帥咸重之時孫黃亦因事謫遼以黨禍被僂貞解衣歛之比脫伍歸薄暮抵里明月滿

空亟呼舟中餘酒登所築釣臺吟嘯久之乃還家著有秣坡集古今一覽家禮舉要諸書

廖謹字慎初南海人今隸順德力學通經稱爲廖五經舉明經官司鐸不能事上官又號廖古必言泥古不通也解縉官交趾至粵與謹話重之題其西山樵舍曰反身循理懲忿窒慾敬之敬之如金如玉稷契臯陶何書可讀著有澹文集

陳璉字廷器東莞人洪武庚午貢士由司鐸擢知許州毀淫祠改滁州均徭役戢奸暴文皇北幸先遣官察吏治循卓者加擢焉璉以績最滁人詣闕乞留擢知

揚州攝滁事九年按蜀繩黠吏戢暴軍召入銀臺掌
曹監允爲人倫師表陞禮部侍郎著有巡狩河清等
頌琴軒歸田等集家有萬卷堂多儲秘書四方來觀
必館穀焉

周新南海人洪武乙卯貢士官廷評善決獄陞御史彈
劾敢言曰爲冷面寒鉄京中以怖小兒永樂二年按
北京奏言軍民有犯流徙者免罪發北京種田羈候
部報多死獄中請從外結民大悅改按察浙江方視
篆忽一異葉飄至詢之則某寺木也寺僧殺人瘞此
木下發得婦人屍僧伏罪又有一巨商遠回日暮潛

解貲置石下抵舍與妻語明日往求不獲訴之新新
曰汝妻有外竊聽攫取之也果然其燭奸類此暴虎
食人爲文祭城隍而得食人之虎蚋聚馬首尾之而
得劫布之賊其除暴類此微服觸屬縣令收繫獄中
而知一縣疾苦偵錢塘令葉宗行清襟袖其乾魚示
之而益加砥礪其別淑慝類此察案餽以驚炙懸之
室後有餽者指示之其清廉類此未顯時妻辟纊至
貴猶服田婦衣其安貧類此周憲使之名震天下後
爲捕繫錦衣千戶作感受賍被誣奏論死死後上見
其立日中奏曰上帝以臣剛正命爲城隍上益悔恨

上問新何處人侍臣對以廣東上曰廣東有此好人朕枉殺之矣

右洪武朝

羅亨信字用賓東莞人永樂甲寅進士改庶常升科道出按有聲改巡撫宣大請脩邊以防也先入寇不聽後果有土木之變時英宗北狩朝廷趣邊兵入衛士衆洶洶欲棄城遁亨信仗劍當門曰敢有出城者衆乃定是役也微亨信北門鎖鑰撤矣年老乞休不許因免冠叩首上見其着兜鍪處髮盡禿乃許焉世謂亨信有安社稷功而卹典僅循常例有遺憾焉

翟溥福字本德東莞人永樂進士令青陽祛虎患守南康雪冤民築湖堤修白鹿書院延名師迪後進人皆向學郡人祀於三賢祠

陳諤字克忠番禺人以戊子貢士官給諫遇事敢言上呼爲大聲秀才一日觸上怒命露首瘞之七日不死搏擊愈甚擢尹順天政嚴明有張趙風轉荆府長史王書忠良鯁直四字賜之性詆諧當瘞時謂人曰吾今乃爲大甕所苦矣瘞者如言遂得屈伸不死云

右永樂朝

彭誼字景宜東莞人宣德乙卯貢士薦擢御史奉敕治

河引歸故道漕運遂通陞僉憲提督紫荆關修城堡
按古法造神臂弓守之巡撫遼東前撫邊脩廢弛倉
無積貯敵將人寇詎乃事事修理敵始懼因建大將
旗鼓出廣寧度遼陽命將進兵擒斬無算敵遠遁在
遼十有一年邊人賴之

右宣德朝

盧祥字仲和東莞人幼學藝年三十始習舉業便成進
士官吏垣劾奸臣王文等舉朝憚之巡撫延綏挑選
邊民之驍勇者練習武備使家自爲守免其戶租有
急脩行伍得勝兵數千邊聲益振此陝西土兵之始

也敵屢入寇皆敗去璽書褒美著有行素集

陳琮字樂芸新會人生有異質讀書一日十行而尤究
心理學無不身體力行毅然以明道淑人爲己任年
二十七卒逾月子獻章生妻林氏守節教之卒成
大儒

陳獻章

已見初集

按廣州鄉賢傳原本標目有官稱官有謚稱謚以
時代爲先後此通例也獨陳獻章稱先儒其傳特
冠卷首以其從祀孔庭尊崇之也但考乃翁陳琮
亦雜入傳中而獻章獨冠卷首似於理未安傳曰

子雖齊聖不先父食况史載筆所以扶綱常而正名分者耶今妄擬改置于乃翁之下似覺心安理得附記於此以俟博雅君子論定之

右正統朝

楊英字廷傑新會人景泰癸酉貢士一意孝養絕志進取父喪三年廬墓毋目疾顛天而毋目復明以德感化鄉人有王彥方之風子敷謁選銓曹詢白沙先生起居及其詩默千首以進官留守經歷有脩倭功陳政字宣之番禺人生六月而能言十五作自訟文彭督學見之曰此殆潛心孔孟者也正統辛酉鄉試第

一是科邱文莊銳意解首見其文不終場而去成進士館選任學政培植人才士林德之

李嗣字克承南海人景泰甲戌進士督賦南畿不勞而集守金華興學塾以養人才叅政浙江築堤以禦海漲布政福建諭狂生消其幻術撫蘇松百廢具舉督淮鹺悉心策畫仕終戶部侍郎

康麟字文瑞順德人景泰甲戌進士官御史執法權貴斂跡按閩核屯伍稽歲畝增子粒下詔褒美治犯法指揮餽以金硯弗受脫久繫寃獄壽以百金亦不受著有行教錄少時值黃蕭養之亂增險設伏賊不敢

犯

魯能字千之新會人父真補隊長黃賊圍城鄉民爭入避賊守者拒之真曰城以捍民奈何拒之急名入存活甚衆能登進士由叅議至布政四遷關陝能叅藩時日事巡歷凡山川阨塞屯堡要害儲峙多寡兵馬強弱將士堅脆皆心識之及總司事量遠近以分派因登耗以加減不勞旁訛而制置得宜陝飢人相食能區畫古今救荒之宜舉無遺策卒賴無虞巡撫甘肅閱部伍剔奸弊新號令謹練習修城堡明賞罰核功實抑虛詐恤孤寡稽儲積行賑貸撫番落令下之

日民懽呼載道日數十年無此也

吳讓字克讓南海人景泰甲戌進士令臨桂以清慎著守慶遠士官各餽金三百不受南丹州倍以進以詩却之曰貪泉爽酌吾何敢暮夜懷金豈不知寄語南丹賢太守元封回贈莫相疑

黃瑜字廷美香山人景泰丙子進士入成均經術爲一時冠令長樂先化而後正之與百姓陳說大義卽劇盜盧公亦化之而改行焉土豪殺人匿其屍詆不服忽蚌蟻折左股入研池中訶曰女折其左股投黑池中尙抵賴耶乃驚服徙居會城手植二槐自號雙槐

老人著有雙槐歲抄修史者恒採擇焉

右景泰朝

何浚字中美順德人天順丁丑進士知濱州俗悍難治浚以勸農桑爲先賦稅不期而集取呂氏鄉約選老人而條教之不率則痛自刻責由是教化大行守漢陽築陂堰民歌之曰何太守築漢陂飢得食寒得衣治以德教爲先終任雖里胥亦無犯贓者論者謂其清奪粵江水云

張瓚字德潤番禺人天順丁丑進士守撫州撫大郡號難治瓚至清詞訟抑豪右制奸吏絕私謁却苞苴革瞞脫隣旱而撫獨豐野蚕成繭人以爲德化所致瓚詞翰如流筆札尤精絕著有兩山集

陳騏字夢祥南海人少工畫善醫有司命入獄視囚穢不能忍乃棄而習舉業時年二十七學三年鄉薦至景泰丁丑成進士官江西僉事民有病死而婦以踢死告者騏驗其傷曰傷有血蔭今肋骨形彎內黑外白彼能自內踢耶煮皂角水洗之黑色盡去獄遂決祁順字致和東莞人天順庚辰廷對己定一甲以姓名近御諱傳臚弗便抑置二甲授兵曹奉使朝鮮却饋贖高麗爲築却金亭以表之遷守石阡地僻俗陋順

爲開屯田廣積儲親講學流亡日復登賢書者踵接
陞江藩俸積數千金卒於官遺命悉歸公帑焉著有
吳川集冷菴集翠渠集

子敏字惟學進士官部郎清約有父風奏罷福建銀
礦

次子敕字惟允對進士策有曰雖上聖必有所思道
以思而明心以畏而存蓋學所得以拜獻也

余諒字以貞新會人天順甲申進士官南臺奏革御厨
異品僉事福建革歲例校家禮儀節刊行所部使民
知禮居官十八年清操如一日劉城謂余御史如碧

梧翠竹瑞日祥雲近代所未有也

弟統字承之成化進士亦官南臺直聲振一時疏請
均才用以勵官守抑奔競以通選法糶陳糧以便軍
儲并殘伍以省冗員禁宿弊以革奸吏修國學以崇
文教

姪敬字行簡宏治進士令浦澈擢南臺疏陳黜不職
全貴戚紓民困清戎伍省輸運節國用罷不急七事
時稱真御史必曰南臺三余云

右天順朝

黃皞字時雍南海人成化乙酉貢士入太學明習典故

黃東文獻二集

卷之二

廣州鄉賢傳

三

春軍定

歷雲南左轄平長官司之亂威震六詔稱鐵漢吏云
林光字緝熙東莞人初入小學端凝儼若成人從陳獻
章遊曰吾得師矣往來江門問學二十年探本窮源
反身脩行以貢士歷任司鐸文衡膺卓薦陞襄府長
史王新薨代理府事百僚效職奸佞革心嘗言所謂
聞道者在自得耳讀盡天下書說盡天下理無自得
終是閑也

李孔修字子長順德人僑居羊城混跡闖閩人不識也
張詡薦於陳獻章一見竒之論者謂白沙之學子長
得其真云平居朱子深衣管寧帽入夜不違研攷周
易輸糧於縣令問姓名不答但拱手再問再拱令答
之及父沒庶毋改適誣其奪產令鞫子長對曰母言
是也令疑焉得其實乃大敬禮蔬食不繼未嘗顰眉
詩畫不履前人見者爭寶售之卒霍文敏塋之西樵
山配祭於社

張泰字叔亨順德人成化丙戌進士知沙縣刻羅從彥
遺書以詔學者陞御史疏言宮闈預政上怒杖之幾
死歷任副都御史總督糧儲時逆瑾擅權所求不副
竒禍立至泰入賀惟饋士葛仕至戶部尚書

李聰字士達順德人登成化丙戌進士官御史疏請定

大基本上意遂決冊立孝宗爲太子出守饒州有反風滅火禱神殛馬之異

邵智字廷鑑南海人登成化丙戌進士官御史彈劾不避權貴出按福建益持風力墨吏望風解組嘗劾一監司遺金硯弗受轉廣西僉事所劾者適巡撫其地遂歸智生彌月而父沒母與祖母苦節並旌其門

黃鑰字世美香山入成化乙未進士廣西僉事破鬱林巨寇定博白流民清無徵稅米殺歸化山賊威行夷獠改江西臬使擒瑞州湖廣巨魁鑰與人誠信慈厚人樂用命廣東兵民疲苦西寇賴鑰平之

梁儲已見初集

張訥字廷實番禺人璜之子力行好古有嶺南孤鳳之稱受業陳獻章之門其學以一爲主與獻章靜中養出端倪互相發明有功後學爲孝廉十年止一詣春官成化甲辰登第三十年僅二載主政言路交薦拜南京銀臺少參而卒不赴恬淡靜深人莫窺其奧著有東所集匡山誌

涂瑞字邦祥番禺人成化丁酉鄉試第一丁未廷對第三官編修學問深邃蔚有文名同館推重兼經筵日講敷陳經術剴切詳明上輒頷之

蘇葵字伯誠順德人登成化丁未進士館選督學江右
與諸生講求正心誠意之旨增修白鹿書院凡有關
名教者建置惟力時鎮守太監作威惡葵守正誣奏
按治閉門欲刑葵諸生數百人排闥而入擁葵而出
事竟白仕終江右布政著有吹劍集配祀白鹿書院

右成化朝

梁奎字文燦順德人少游陳獻章之門以孝聞宏治己
酉鄉薦判袁州桃花洞賊薄城守將怯奎拔劍研案
誓不與此賊俱生帥兵出戰俘馘甚衆轉戰深入援
絕失道爲賊所擒叱賊遇害督學張希舉立崇義祠

並蘇劉義區瑞而祀之

方用中南海人大學士獻夫之祖性穎悟善記嘗避雨
入人家閱架上書背誦無遺閱大統歷數過亦能朗
誦號方書櫃當道於禮樂度數古今沿革多咨訪之
梁景行字宗烈順德人宏治己酉貢士令崇明邑多盜
海上桴鼓晝鳴景行獲新盜釋不治使捕宿盜盡擒
之婦女惑巫祠宿求祀因爲奸按誅之改同知鎮江
楊廷和假子殺人請減等弗應遷長史廷和意也著
有壺山集

王纘字文哲東莞人宏治癸丑進士館選歷應天巡撫

瘞逆賊劉七于狼山禦崗賊王浩于徽寧乾清宮災
疏答天譴四事撫勦陽時武宗西巡供億萬計有獻
虎豹者禁抑之寧藩煽動嚴警設備楚民獲安嘉靖
改元疏陳正大本法祖德十事仕終南京戶部尚書
黃衷字子和南海人父璉有學行衷三歲誦孝經問孝
本天性何別於天子諸侯父異之登宏治丙辰進士
參政廣西繩奸肅法境內肅然征古田賊斬首數千
擢撫雲南薦賢黜貪安民禦盜移湖廣墨吏望風解
組在鎮數月積粟八十餘萬銀四萬餘下詔嘉獎平
盜賊指授方畧斬獲甚多仕至兵部侍郎著有渠洲

詩文集奏議海語

洗光字汝賢順德人宏治丙辰進士令安仁善辯疑獄
有洗燈籠之目進諸生講忠孝大義大學士桂萼兄
弟皆感教而興擢御史按應天獎廉黜貪風裁大著
出冤獄多所平反居臺七載疏毀佛疏劉瑾專權疏
江彬誘駕巡幸侃侃千萬言留中不少挫以兵部侍
郎致仕徒步田間問樵答稼無有知爲卿貳者卒上
遣官諭祭

湯文經字懋誠增城人宏治戊午貢士判臨江宸濠反
制府檄督修戰艦不踰旬而成百艘王新建大奇之

隨令督哨遂破賊

倫文敘字伯疇南海人身長玉立頭顱大二尺許以儒士舉於鄉宏治己未會試殿試皆第一官修撰充經筵講官進講舜有臣五人章語多諷切修玉牒考核精詳天性孝友仗義恤孤子以諒以訓以誥皆成進士而以諒鄉試第一以訓會試第一廷試第二父子四元海內科名無兩

陳則字養新南海人其學以心性為宗著有心性學宗宏治辛酉貢士官司鐸擢御史劾劉瑾江彬欺罔不法巡視東寺歛跡按保定湖廣舉賢懲奸興利

除害糾內臣重稅抽分扭巨璫橫恣不法仕終光祿

卿

盧綸字朝言增城人宏治壬戌進士官行人奉命押交人還國却金不受交人贈之詩曰名樹銅關月清搖桂海風還掌吏垣糾劉瑾拘跪日中時酷暑自辰至申乃起出參蜀政時武宗命採大木輸挽萬人乃至平陸去河猶二百里轉運維艱綸為文祭之雷雨大作平地水深八尺漂木至夔陵界武宗嘉之特賜金以旌其異

湛若水

已見初集

陳錫字祐卿南海人宏治乙丑進士官戶曹歷閩藩駁
朱騏襲封公爵綏定叛軍勾稽乾沒樹立風紀卓有
令聞終應天府尹兒子紹儒亦歷順天府尹一門二
京兆

方獻夫字叔賢南海人宏治乙丑進士館選改銓部因
逆瑾用事謝病歸與湛若水霍韜講學西樵山中十
載大禮議起廷議不合上意獻夫上疏稱旨與張璁
桂萼席書霍韜特被擢用又命獻夫與璁萼等攝三
法司讞張寅獄成上欲誅原讞官獻夫等並救之歷
陞禮部尚書毀畿內尼庵六百區天下僧尼無度牒

者悉令還俗改吏部陳洪範之義陳省災諸疏庚寅
謝病歸薦尚書梁材自代上手詔促之比至晉少保
武英殿大學士參機務賜金章曰忠誠直諒上欲誅
建昌侯張延齡密詢獻夫對曰漢文誅薄昭致母不
食今誅延齡恐傷聖母心非盛德也乃寢甲午乞休
仍歸西樵山中講學優游十載卒贈太保謚文襄少
與王守仁同官位居其上折節師之年僅五十辭樞
筦其急流勇退如此著有易經說約學解學庸二原
西樵存稿

黃著字子誠順德人登宏治己丑進士令安溪以孝經

變民囂訟之俗漳寇至不忍犯其境改新繁逆瑾檄
取童男三百以充閹宦不應晉戶部郎中

右宏治朝

黃重字子任南海人正德戊辰進士奉使伊藩使遼東
皆峻却餽遺擢戶垣建言重名器久任用慎薦舉省
權課四事晉吏垣上慎政以圖治安疏反覆千言論
者曰此魏徵十漸筆也會災異復上言詔令不常爵
賞大濫聽言不宏營建不節言甚剴切聞者危之語
在諫院錄入侍經筵請革內監之奸貪勸戚之強暴
皆人所難言者仕至大常卿呂柟稱其喬嶽大川氣

象青天白日襟懷著有諫院疏畧東臯草堂遺集

何鰲字子魚順德人正德戊辰進士令慶元以治行徵
拜御史諫佛朗機入侍驅之出境按楚發襄府嗣子
非真奪其襲爵脩兵徐淮省夫役箕錢築長堤以免
水患陞楚藩未任卒

梁億字叔永順德人大學士儲弟登正德辛未進士官
兵曹清核鎮將兵餉却餽遺歷禮兵二部清兵核餉
考制議禮各盡其職參廣西政禁諭猺獞相攻使之
歸化億修眉峻骨燕頤虎頭文康當國億不干進文
康亦不私其弟人兩賢之著有懷元集續賓退錄洪

武輯遺傳信錄羅浮志諸書

張濬字景川順德人正德辛未進士令建平巡江御史
賀洪里人游建檄濬供猛不應遂誣濬罪濬上書訟
洪違憲綱洪坐削藉濬陞客部先是本兵王瓊與都
憲彭澤有隙欲因澤哈密事置之法濬抗言澤討寇
有功因功得罪此後誰肯任事者澤得釋濬力也世
宗必欲稱孝宗爲皇伯濬哭諫杖斃隆慶初贈少常
鍾善經字里夫順德人正德辛未進士授興化節推善
斷獄老吏不如使臣入境威嚴甚設經一見卽知其
僞叱左右執之武宗北巡經力請回鑾劾錦衣不

法內監橫肆以骨鯁稱

霍韜已見三集

梁焯字日孚南海人從王守仁學辨問居敬窮理悚然
有得正德癸酉進士官儀曹諫武宗南巡去衣廷杖
幾斃佛朗機賂江彬錢寧恃勢橫肆焯杖之番人誣
陷甘肅大臣入賂江彬錢寧驕蹇不法焯約束之番
人相謂曰天顏可卽梁主事乃不可卽耶世宗立以
焯直諫被杖晉秩

倫以訓字彥式南海人文敘次子正德丁丑會試第一
廷試第二官編修充經筵日講儀度雍雅詞義懇到

上屬目焉陞祭酒毅然以斯道爲己任教士一本躬
行以哀毀卒生平儉約穎異絕人深熟朝典問則條
答無遺會試文質一策上獎異取其意建崇質殿云
著有詩文集國朝彙憲

張拱辰字仰德順德人正德丁丑進士官戶曹黠商賄
中貴祈偕發四朝塩引拱辰抗言不可大同叛軍殺
巡撫廷議撫拱辰獨誅之致政後嘗自耘瓜有以重
金屬其關說者揮鋤不顧妻子幾不自給御史表其
間曰清白

劉士奇字邦正順德人登正德丁丑進士官刑曹錦衣

枉法殺人有旨拿問尋復中沮士奇置之法大禮議
起伏闕哭諫幾杖斃出守梧州梧俗編茅爲屈多火
患士奇捐俸表火道數家障以崇墉火患乃息以山
東布政致仕家居幾無自給嘗欲市硯問妻取值妻
曰何不書清字與之

王漸達字用儀番禺人正德丁丑進士卽乞歸讀書青
蘿山下研究理學以博約爲宗實踐爲據與龍溪方
湛諸公辨論亦不尙雷同也以薦起用上疏陳四事
一曰運樞極二曰鼓橐鑰三曰定趨向四曰壽命脉
語侵執政落職著有觀水記正學記四書邇言中庸

義畧春秋傳王氏宗禮嶺南耆舊傳青羅文集隆慶
詔卹建言諸臣贈光祿卿

鍾雲瑞字天慶東莞人性孝親喪廬墓正德丁丑進士
官廷評折獄平恕諍大禮忤旨廷杖幾死出僉江西
臬事強倔如故撫軍惡之改雲南中貴橫肆概繩以
法中貴訶其私不得反如禮重

黃畿字宗大香山人瑜之子習舉業滌盡陋習督學張
雅見其文曰漢魏乃有此作補諸生竟不得志於有
司遂絕意進取研九流百氏猶雜釋老已而讀邵子
皇極經世嘆曰自箕子以來合術干道其惟堯夫乎

作管窺十三篇晚年潛心大易中庸曰中庸易之義
疏也太極通書定性西銘猶中庸也又曰孔門傳心
之要一言而已慎獨是也故雖對妻子無惰容性至
孝一日晨起哭墓有虎突至俯伏而去人以爲孝感
所致世稱粵洲先生

黎貫字一卿從化人正德辛未進士由庶常擢御史清
京師火甲之弊按閩劾內監與藩司乾沒之弊又請
表孫燧等諸忠臣流寇起請設總制大臣又請兩廣
行鵬剿之法又天下耗於冗食請稽歲入之數權其
輕重以爲定式三邊有警薦楊一清代王珣爲總制

上皆允行按江西宸濠之變出宗室之株連者以忤
時幸歸去國日士民擁道爭識其面

黃佐 已見三集

余經字朝綱順德人登正德庚辰進士官行人使蜀却
餽士夫贈皇華使卷以榮之擢吏垣彈劾不避權貴
清察兩廣錢糧獨持風裁會計不爽以大禮忤旨謫
縣丞自作詩有倔強每孤良友戒要樞甘讓別人卷
之句卒于官貧無以殮

右正德朝

黎瞻字民仰番禺人嘉靖壬午貢士司鐸尤溪充同考

得士朱衡明年登第卽令尤溪邑之利病悉稟承焉
邑用大治陞助教判順天有大猾罪遣賂當事以祈
免瞻持之愈力忤當事外調歸年八十六作詩云東
海神仙知不遠一川微浪是通津

李義壯字稚大番禺人父春芳精鈴遁從征朱厓占知
賊夜襲營主將不聽春芳死焉義壯登嘉靖癸未進
士官部曹以才名爲時名宿推服脩兵辰沅平瀘溪
諸苗歷陞僉憲巡撫貴州時方征苗義壯主撫與制
帥不合歸著有三洲初稿

梁廷振字百綱南海人登嘉靖癸未進士官職方時廣

廣東文獻二集 卷之八
西土官讐殺撫按奏請用兵安南弗庭廷議亦欲主
討廷振皆力止之中外獲安出按廣西平斷藤峽及
府江諸猺仕至布政與同里李祥皆以清操稱二方
伯云

陳建 已見三集

趙勳字彞伯番禺人以貢士令瑞金小邑當衝使傳
旁午供億繁苦勳至條請均徭薄具供給民乃甦黃
鄉尚土酋煽亂上游委重卽往平之陞南臺疏陳中
官不法五事轉山東僉事賑發不待報存活甚衆

郭大治字思道番禺人從湛若水游闡明性理以貢士
教諭萍鄉萍士椎魯鮮學大治條教有方士風丕變
時嚴嵩當國宦轍無不起居其家大治不通刺故七
年不徙後陞新城令以古道教民子棐另有傳

龐嵩 已見三集

林烈字孔承東莞人初解章句便問師以正心誠意之
旨登賢書北上迂道崑山贊魏莊渠之門問以作聖
要義諭江陰以身爲教轉戶曹督運江西擇府佐任
之賦不煩而自足南北來學者無虛日出督閩鹺分
司水口平貿易絕苞苴嚴闌出故商至如歸而尤以
移風易俗爲己任毀淫祠立射圃申明鄉約使民皆

知禮讓撫按頌其教條爲八閩法且曰使天下之治
皆如水口唐虞三代可復

黎民表

已見初集

陶鳳儀字瑞之以大父陶魯著績三藩賜籍東粵遂爲
廣州人蔭錦衣好學能文明法律多平反守正不阿
廷臣以言獲罪者必百計保全之何御史維栢劾嚴
相發錦衣衛杖一百密諭行刑者曲護得不死席卷
以出嵩黨索之無所得乃免

何維栢字喬仲南海人與霍湛講學西樵多所默契嘉
靖乙未進士館選改御史按閩值歲祲條救荒十策
著爲令是時嚴嵩專權維栢疏嵩罪比之李林甫上
震怒逮繫詔獄所過士民遮道攀留大哭維栢曰此
予慮定而發人臣之義當如是也法司承嵩風旨榜
掠幾死削籍歸隆慶初起爲都御史轉少宰後以議
張居正奪情事出爲南京禮部尙書歸闕天山書院
發明江門宗旨縉紳之士如葉夢熊陳吾德皆及門
以勛業著者卒謚端恪著有易學義禮經辨太極圖
解天山存稿陳子言行錄

陳紹儒字師孔南海人嘉靖戊戌成進士官戶曹革內
監積年混竊之弊出理遼東糧屯卽上防守大計寇

廣東文獻一集 卷之八
三十一
春明堂送
突至不得逞自是益習騎射射必破的諸將以爲神
授陞廣西憲副督狼兵救浙紀律嚴明平白蓮教匪
歷京兆尹轉戶部提督倉場定漕運例限至今遵守
仕終大司空所著有集二十卷

盧夢陽字少明南海人嘉靖甲戌成進士官刑曹恤刑
兩浙多所平反會試同考官督學閩中精藻鑒仕至閩
藩著有聖謨廣訓

馬鍾英字君儲順德人嘉靖辛丑進士令烏程邑紳據
津要撓政不少徇治聲藉甚守台州修戰艦嚴守望
寇不敢犯仕至臬副

林咸字季虛番禺人以鄉薦令惠安邑居民甚少倭四
倍其衆圍之悉力拒守賊不能犯後往救鴨山之圍
衆寡不敵死贈同卿

李堯卿字唐馮番禺人以貢士令寧德邑爲寇衝堯卿
先事預防又募得義兵四百人朝夕訓練民賴以安
以考滿如京數日矣倭突至署令告急疾馳回任賊
知其回急遁去越數日三倍環攻擊斬無算旬日間
三拒勅敵後因制府調義兵爲親校賊至無助城乃
陷死之從義而死者數百人事聞贈同卿

歐大任

梁有譽

俱見初集

胡庭蘭字伯賢增城人嘉靖己酉鄉試第一庚戌成進士官戶曹權揚州稅獻浮額羨銀督學閩中絕津兩請託適倭寇至諸司束手庭蘭授兵登陣倭積薪焚城叩頭返風滅寇民避賊入城守者閉城弗納庭蘭仗劍開門納之又募精銳據險設伏斬馘無算寇乃退備兵雲南計擒混天王等平新化三臺敘績勒石碧鷄山以銘其功

梁士楚字思立番禺人以鄉薦令詔安時倭寇與土寇繼孽城先後被陷楚至練士兵寇至輒擒之臺使者主撫檄楚往諭而廷議以賊罪在不赦命戚繼光征討之賊怨楚誑已糾衆來攻屢敗之遂殲其衆屢以平寇撫苗功歷仕至川東道著有木灣集沿海要害圖說行

何道瀾字濬伯順德人以貢士司鐸鄆城善誘廸聘主江西鄉試署長葛令遷安化俱薦循良第一陞上思州土司構亂制府以兵事屬之出奇制勝生擒首逆以積勞引疾歸會順德胡令築城與之均役定賦民不擾而事集

龐尚鵬字少南南海人嘉靖癸丑進士擢御史歷詆權

奸幾中竒禍直聲震天下稱真御史立條邊法歲省
費百萬詔著爲令通行天下至今便之廣東立永賴
祠以報其功晉僉都御史巡歷九邊足跡殆遍與總
督王崇古成河套之功爲忌者所沮上會計錄言從
古征歛繁則民窮盜起天下因之而亂臣巡視邊方
生靈愁苦幾欲繪鄭俠之圖語甚激切後以忤時仕
終福建總督卒謚惠敏尙鵬忠介慷慨有經濟才胆
畧足以當大事定大變知有國而不知有身天下倚
以爲重著有百可亭稿奏議殷鑒錄行邊漫紀
弟尙鴻字少襄拔貢生從兄巡歷九邊諳習邊事上

安邊飛車飛舟諸疏奉部議行由訓導令英山興利
除害民咸賴之

古文炳字懋选番禺人嘉靖癸丑進士令會稽精藻鑿
首拔羅萬化張元朴俱擢大魁士民肖像于賢令張
公鑑祠額曰雙清

楊茂先字孺培南海人以貢士授福州節推執法明允
遷上思州土司梗化率兵平之其餘恩威並濟罔不
輸誠恐後父紹震並祀鄉賢

陳萬言字道襄南海人嘉靖丙辰進士授池州節推鋤
奸剔蠹雷厲風行擢御史時鄒應龍劾嚴世蕃人無

過問者獨萬言相對侃侃義形於色奸黨憚之按閩
倭警與戚繼光商防禦計閩粵賴安備兵永平習邊
事設施皆有條理

黎民衷字惟和從化人嘉靖丙辰進士官銓曹杜絕請
託出參廣西政迎春之夕蠻賊踰城突劫藩庫帥兵
拒戰衆寡不敵被劊死卹贈

黃應龍字珠江順德人以貢士令武昌邑稅多欺隱力
行清丈均其賦役人以鐵漢目之守保寧却權璫之
濫索備兵瀘南平奢酋女夷之亂生平善決獄有黃
青天之號

霍與瑕字勉齋南海人韜次子也嘉靖己未進士令慈
谿邑罹倭躡井里蕭條勤勞徠畧有起色廉潔剛正
與淳安海令瑞名均以忤權要歸以廷臣論薦起補
樞部時羽書旁午與瑕籌畫有方闔部倚重出爲廣
西僉事左江土司叛制府議用兵與瑕以計縛之撫
平八寨爲當事攘其功著有勉齋集

郭棐字篤周南海人嘉靖壬戌進士官儀曹力沮七夫
人之封疏請進薛瑄陳獻章從祀晉湖廣副使以計
擒柯賊數千改廣西平象州洛容巨寇參湖北政計
擒叛苗按察山東防禦倭寇布政滇南力戢緬匪知

夔州建書院以造士提學四川登明選公以光祿卿致仕著有粵大記嶺海名勝記廣東四川通志夢菊全集

蒙詔字廷綸番禺人父宗遠爲靈川尉有平寇功民德而祀之詔登嘉靖壬戌進士官行人轍迹所至必詢民生休戚吏治臧否以聞陞御史條奏興革事宜皆切時弊命巡宣大陳兵食六事以固邊防督漕浙直調度有方兵食賴足按福建百僚嚴憚由副使五轉至布政不出兩浙政聲茂著陞僉憲提督南贛軍務威望益隆山寇屏息詔爲政務期實用不求赫赫名

有大臣風度著有奏疏文集父子並祀鄉賢

王原相字召之番禺人漸達子嘉靖己未進士令閩縣剔弊鋤奸擢南臺拾遺糾劾論漕政陳嘉靖末年秕政諸弊政廣東羅旁賊亂分三路進討原相監西師俘獲甚衆以湖廣布政致仕

陳吾德字懋修新會人嘉靖乙丑進士官行人却餽贖晉工垣條陳廣東事宜八款以諫採珠忤旨削籍尋召起按察湖廣平巨寇卒于官

黃鎬字建周順德人博學能文不甘塲屋煩瑣棄去年五十每外歸必懷果娛親親沒廬墓甘露降於墓栢

水決捐金築堤以衛鄉閭人呼為黃公堤以子士俊
廷對第一六拜封命遣官存問壽百歲

梁紹震字原東順德人以鄉薦教授淮安端已率物士

風丕變陞國博得蕭良友兄弟守池州招撫叛猺同

知平樂清操益勵

陳堂字明佐南海人嘉靖戊辰進士官南臺激濁揚清

直言敢諫以不附會張居正奪情出參蜀政僉廣西

事以征岑溪功晉光祿卿請皇太子冠昏危言直節

不減居南臺時仕至尚寶卿著有朱明洞稿邊河四

疏諫草然餘湘南皇華南歸諸集

右嘉靖朝

林培字培之東莞人烈之子萬歷癸酉貢士令新化值

歲稔亟於賑貸勸借平糶三者時其緩急以拯民故

積兩飢而不害有一家五人死於盜不可跡禱於隍

有蛛蝶飛繞心異之即遍歷村落讀法有蝶集稚子

衣訪其父始服罪擢御史上抹荒積儲疏復彈劾勛

咸皆言人所不敢言京師為之語曰南林北馬臺省

增價疏請皇太子宜日近儒臣弼成儲德不可辰講

已罷而與中官狎處又言史以傳信建文年號不復

非示信也史以崇德景帝廟謚不修非崇德也史以

廣東文獻二集 卷之八
正分獻皇廟祀不釐非明分也又言邇年以來宰執
難售造膝之談臺諫難進犯顏之語是大小臣工無
一可信也臣恐陛下孤立於上天下有事誰與共理
臣思非剖心無明忠非捐軀無以報主臣死而君心
悟國家安臣死賢於生疏入謫福建知事修先儒祠
墓紫陽遺書卒贈少卿著有南臺疏草閩中游記
朱讓字次夔南海人登萬曆甲戌進士令南平邑衝均
徭役擢戶曹權新關商至如歸守夔州歲旱禱雨卽
應探花陳子壯外祖也

王學會字唯吾南海人登進士令醴陵調崇陽以循良

第一薦擢南臺救言官鄒元標等歷郎中上革冒封
慎名器諸疏會有詔一日並封三王乞收還詔旨上
震怒削籍直聲震朝野奉毋歸隱著有通志南番邑
志疏草入楚吟壬癸存草山中約言西游草五羊約
法飛雲洞集

曾象乾字體良連州人登萬曆丁丑進士館選擢御史
按閩秉公持憲督學南畿首拔朱之蕃顧起元皆大
魁陞僉憲劾東廠擅權彗星一疏極論時政而又洞
究天文海內傳誦著有中秘課程

潘梧字太操番禺人湛甘泉門人從學於小禺洞端粹

純謹正嘉之後良知之學盛行流爲妙悟不事踐履
悟獨守師說鄉里化之無論識與不識皆曰太操先
生有爲不義者惟恐聞知有陳太邱之風焉

盧龍雲字少從南海人萬歷癸未進士令馬平汰浮糧
清隱占調長樂澹濱湖以息水患參議貴州平苗熨
之亂以勞死事著有四留堂稿尙論全篇大易補義
譚詩類要

陳策字純伯東莞人幼英敏以忠義自許嫻左氏春秋
以武甲授廣州衛鎮撫以勦珠池盜功遷游擊從陳
璘平倭斬獲殆盡復從璘平播酋擒其梟將威信太

著歷陞總兵都督往援瀋陽經畧失守諸將多降策
獨力戰自辰至未身陷重圍被十餘創遇害所部盡
皆殉節無一降者事聞詔贈少保左都督謚忠愍同
邑關鎮明官鎮撫從策援遼亦戰死贈指揮僉事

劉景辰字紫星南海人萬歷己未進士官御史按陝西
茶馬時前官積玩馬政不修疲厖幾不能給適西夏
兵變四鎮合討景辰潔已奉公斷絕私販始克有濟
修乾清宮工部及中官欲侵冒景辰秉公糾察嚴核
濫溢得減十之三

黎密字績之番禺人奉母以孝聞爲諸生嘗游四明六

橋探禹穴與名士徐文長輩交善廣購秘笈以歸遂
不屑爲訓詁肆力古學凡機銘元紀岫嶼石鼓禽經
版法無不窮究問奇者每徵一事必詳其巔末有寄
重貲客死者名其子還之晚釀酒祠杜康而以焦革
配將易簣名其子遂球書正字於掌而沒著有籟鳴
集

吳繼禧字少華順德人以貢士令龍游邑衝劇而民囂
訟禧廉明仁愛刁風遂息北澤淤塞傷稼疏濬之溉
田三百頃號吳公堰有殺妻誣賴者突至其家詢其
幼子得情出其克噐血猶凝手遂抵罪改陸川地震

民居傾圮轉徙他邑乃招集流亡民始復業中丞疏
薦有才堪拯溺器可投艱厝災邑於春臺保危城於
巢卵之語上賜璽書褒異仕至九江府通判

何熊祥字乾宰新會人父上新好讀書手抄陰騭文與
人勸勉祥登壬辰進士館選改御史樓上谷奏豁逃
軍積逋奏禁柳溝採礦按閩奏發撫臣侵牟關餉按
三吳奏免御額金花夙逋按南畿奏免稅契奏糾稅
監併織造之權歷陞少司寇奏請用人發帑以急危
疆請太子母輟學太孫母緩冊婚革運軍僱募之弊
皆一時重事也遷都憲南大司空乞養歸卒謚文懿

著有四巡疏抄南都疏畧馬政事宜平刑八議父子
竝祀鄉賢

羅應許字蓋臣順德人甲午舉於鄉九上春官不售以
司鐸陞雲南節推土司作亂應許以身任之遂不敢
犯性明敏疑獄立決陞戶曹奉催江廣錢糧時河決
運道艱阻建倉敷設水運省脚價得羨銀是差例止
一年朝廷重其能復差三載雖巡撫楊嗣昌讒構力
爭驢運便而省從之二年內接濟邊儲無算奉詔獎
異仕終雲南副使

梁有年字書之順德人萬歷己未進士館選改給諫知
無不言直聲震天下上切劘人主下抵觸權貴以此
見嫉出備兵霸州霸自劉六劉七殘破餘孽未殄亟
復捕額以備緩急歲旱立出官糧賑貸州守上歲餉
羨緡年笑曰府廉潔固當奈何嘗乃公也卽捐以新
郡學仕至布政

曾陳易字少魯番禺人父一傳孝友樂施里中推爲約
長縣檄捕賊易代父赴縣庭辱歸發憤讀書萬歷戊
戌進士令新淦政聲藉甚改御史監武闈特疏倍取
將材以資邊用復疏陳邊防奉旨諭廷臣各加修飭
晉大理糾魏璫禍幾不測

馮奕垣字弱璧南海人萬歷辛丑進士館選改御史巡視西城時權璫翫法按治一無所避按貴州平土苗雜處捐餒城之屹然金陽萬世永賴以積勞成疾卒贈光祿卿由庶常以迄西臺知無不言所上有二弊五窮疏挽亂圖治疏信任輔臣疏請平銓政疏皆宗社碩畫云

潘濬字季深南海人萬歷辛丑進士令安福邑田不均濬編審以丁從根定爲畫一之例西鄉盜劇愚民服毒圖賴悍僕叛主濬爲約法盜誅无賴及叛主抵罪陞御史疏澳門爲嶺海肘腋之患疏減粵東稅銀疏停續差粵東收稅院監按黔鵬剿苗蠻斬馘無算按滇汰墨吏禦狡寇懲奸弁蠲貢金興革得宜風采益著歷陞僉憲以忤權璫出爲南京刑部尙書卒贈太子少保

歐陽暉字伯曦從化人以貢士知賀縣賀巖邑土瘠而貧士椎魯暉寬狃勸農通商減稅親課章縫考滿奏最陞刑曹時魏璫擅權忠良被禍暉憂憤成詩有陰霾國事非之句璫聞之大怒坐以訕謗逮詔獄與揚州守劉鐸同日審杖遣歸後聞劉鍛鍊成獄自知不免投淵死

譚煒字汝麗從化人萬歷辛丑進士官行人三使親藩
咸見禮重事祖母以孝聞出守平樂禁巫蠱平險灘
出諸生之非辜正猺獞之隱占考滿轉饒福建以不
附權璫解組

郭尙賓字朝諤南海人萬歷甲辰進士授吉安節推廉
察明夬朝下夕報咸得其當陞刑垣忠直敢言如請
枚卜豫儲教諸疏皆朝政之大者如減鹽稅止採礦
諸疏則造福梓里者南邑舊有定弓虛稅請以各邑
新生沙坦抵盡而止鄉人尤食其德仕至江西巡撫
以不附權璫削籍崇正初起補兵部侍郎視師都郊
積勞成疾卒贈兵部尙書

關驥字德甫南海人萬歷甲辰進士令全椒值歲侵講
求荒政捐俸爲倡勸課農桑濬陂蓄洩使水旱不爲
災量移嘉興平海寇時郡邑入計驥以一人攝六篆
剖決如流案無留牘陞刑曹洗冤疏滯多所平反提
學廣西黜浮崇雅士風丕變

黃儒炳字士明順德人萬歷甲辰進士館選進祭酒修
南雍志輯二十一史轉少宰內傳欲以中璫出鎮力
言不可遣狀右侍郎缺中璫欲補私人炳曰頭可斷
缺不可補乃寢既而璫姪魏良卿剖伯爵炳嘆曰事

不可爲矣乃引疾歸著有影木軒詩文集讀書漫錄
史概諸刻

李待問字獻衷南海人萬歷甲辰進士令連城禁火葬
溺女陋習捐浮糧調沙縣表先儒羅從彥從祀陞銓
曹核冒濫卽大璫亦不少貸先是臺省劾熊廷弼至
是弼被召命奉旨嚴究原參各官待問擬稿僅從薄
譴周廷謨不可待問曰處言官非朝廷盛事乃已巡
撫應天不建璫祠不謁璫祠特簡戶部侍郎總理漕
務時漕法濡滯待問悉心整飭漕運入淮比先早至
數月晉尙書召對平臺問以理財之道對曰今官民

竝困生節兩窮治標則救目前治本則裕長久上領
之賜坐賜茶漏三下始退所賜御札書計臣而不名
以積勞成疾卒贈宮保謚忠定著有史涉詩文集署
銓典銓總漕籌計疏畧兄孝問饒經濟竝祀鄉賢

何天球字憲周增城人以貢士授永平節推平生以忠
義自許時值邊警頻仍人思退步天球奮然獨往調
餉製軍器勤訓練督撫交薦後以邊帥失律賊攻遵
化六晝夜力戰援絕城陷遇害僮婢同殉者八人贈
光祿卿子鼎鉉萬里尋骸以哀毀卒於途一門忠孝
國朝乾隆中通謚節愍

倫肇修字德昌新會人父大禮有隱德究心性命之學以訓子弟丁未修成進士授武學教授日率勛戚子弟習禮讓言心性之旨糾桓丕變焉擢銓曹大禮以書勉之曰所守者理所執者法乃爲致君澤民要義因魏璫橫肆乞假歸屢徵不起大禮命之曰君命不可違磨涅之場正見堅白也始就道陞大理卿面觸權璫削籍父子並祀鄉賢

區龍正字象先順德人萬歷庚戌進士令魏縣興學校鋤土豪修書院建劉元城祠晉戶曹釐夙弊脩兵四川平狗冠以邊才薦轉府江正土酋弒主逆奴叛主不煩師旅悉縛以獻參政雲南時土司跋扈東南震恐正城維摩州以斷其後又上征剿机宜以不能諂媚爲忌者所中致仕遠不克大用生平負文武才忠義廉幹所著書有關國計者司餉疏抄遼餉全書有關心性者彙輯劉元城語錄

梁鉉字恭先南海人萬歷庚戌進士不樂簿書遂就紹興教陶淑有方士風丕變補戶曹持籌出納無差積勞成疾卒行李蕭然圖書數卷而已

李孫宸字伯襄香山人萬歷癸丑進士館選直起居注不欲與中涓雜處求改掌誥救壬戌會試分考得陳

仁錫梁元柱諸公時廷臣角立門戶戈矛頓起孫宸不欲黨同告歸閉戶著書有終焉之志尋薦起宮詹教習庶常其教士以厲名節禁阿諂爲先璫嚙之出爲南京少宗伯時中外頌璫功德孫宸絕不假借璫正欲中之而敗崇正改元以禮部侍經筵寓規于講時三輔淪陷有市馬脩竄者孫宸曰君辱臣死市馬何爲上名廷臣面陳時政得失極言外吏貪汙全由宦官干政卒于官贈宮保謚文介詩祖三百篇字祖晉魏真草篆隸皆工著有建霞樓集

唐夢鯤字化卿番禺人以貢士歷宰四邑有聲川楚獷

亂兩省夾剿官軍敗鯤單騎往撫降之知池州楚豫叛兵數十萬順流東下所過殘破鯤設法守禦而池獨完改寶鷄時潼關已失傍邑亦陷鯤繕兵扼要賊不敢犯未幾三秦淪沒鯤知孤城不能獨完具衣

冠北拜遂縊於署贈光祿卿

國朝乾隆中
通謚節愍

林枝橋字陽仲新會人萬歷丙辰進士令當塗值蝗災捐俸置料斛田中許民捕蝗計斛受賞陞銓曹特起董其昌謝陞等一班正人尋以不附權璫削籍仕至黔臬祥刑肅紀大有聲望著有白鶴山房稿

陳熙昌字當時南海人萬歷丙辰進士令平湖令七限

徵輸屏去刑具民如期以應晉吏垣疏權璫不法事
璫投隙以中會其子子壯典試浙中摘其策問坐以
訕謗並削籍贈太常卿

蕭嗣立字而權番禺人以貢士令穎上蝗不入境流氛
日熾乃製火炮火器備禦賊不敢犯擢守穎州州爲
陵寢要地流賊殘破至則修城池實倉庫勸農桑政
暇則進諸生講學西湖頴俗禮多悖古刻家禮簡易
編以教士民德之有五袴再歌新日月三州重整舊
山河之譽兼署壽州張賊來攻募死士夜斫賊營斬
其驍騎乃遁後率五股強寇合力來攻蟻附登城揮

劍砍之砲擊甚衆又賊見壽亭侯馳赤兔馬巡城乃
遁是役也立寢食城頭八十餘日積勞成病卒

趙恂如字侯聖順德人萬歷己未進士官中翰三膺使
命皆却餽遺晉吏曹敷歷四司老成練達時魏璫柄
國遂引疾歸

關季益字少謙南海人萬歷己未進士令新建尤矜恤
囹圄時親察釋有仇生爲學政年家所扼無敢雪者
抗辯釋之以治行第一稱最

黎宏業字孟擴順德人以鄉薦知和州流賊張獻忠三
掠其鄙不能入人有懈志宏業益治軍實閱數月賊

果以數十萬衆三匝其城宏業喋血登陴誓衆死守
賊以城堅且引退會天大雪積蘆高等女牆縱火燃
南門以精銳乘虛突其北破之母李妻楊及其妾一
子一女三俱殉節死宏業與健僕三人上馬摧鋒而
死賊入其署見壁上有詩云爲臣不負君爲官不負
民忠孝誠已盡生死安足論扃門而去事聞贈同卿
國朝乾隆中
通謚忠節

右萬歷朝

蕭奕輔字翼猷東莞人天啓壬戌登進士令長汀母卒
於署不克舉喪士民賻之乃返補葉縣途遇賊悉其

廉不忍犯擢御史按浙時海寇嘯聚倣粵戈船式治
百餘艘簡勁兵台處諸州資其保障晉岡卿駘馬政
積弊撫閩上特召問對曰破情面法奸貪正已率屬
不要錢不惜死卜喜賜食御前星馳受事時山海竊
發操舊伍練新丘大警親履行間小警選將剿撫兼
施次第盪平因廷議不合掛冠歸捐資築省城大北

砲臺

李廷龍字勳臣順德人天啓壬戌進士令寧都寧地瘠
而囂號稱難治龍巡行阡陌瘠土教之樹麻葛沃土
教之樹菽麥健訟者罪坐父老俗爲丕變旋值流寇

充斥人無固志龍矢志死守陳方畧脩菱芻賊謀聞
不敢犯馭歷吏部四司疏陳銓政十餘弊名對內殿
上有力定如山心清似水之褒乞養歸著有毛詩綱
鑑翻疑等書可亭集

梁元柱字仲玉順德人天啓壬戌進士館選改侍御時
魏璫勢熾同官邀柱往見柱自榜其門曰患得患失
鄙夫焉可事君不怨不尤君子方能遜世楊漣疏忠
賢二十四大罪正奉嚴旨柱繼上穹蒼之告變已彰
聖主之去奸宜決疏削籍歸與陳子壯黎遂球諸公
倡和醉則潑墨作山水人物宛有生氣得者恒以爲

寶崇正初名還行至河間聞燕都圍急人多觀望柱
曰主憂臣辱正宜急赴稽首玉階以笏畫策君前何
泄泄若此疾馳至京補福建道以丁艱歸著有疏要
偶然堂集

莫與齊字元慎連州人博聞強記教授生徒多知名士
年五十以序貢國學作詩云下璞未呈應暫泣魯戈
雖晚尚堪揮年六十三成進士授太平節推有莫青
天之號引疾歸行李蕭然舟過鄱陽榜人以石鎮舟
始克渡比歸清苦異常丁卯夏州人夢有緋衣率鼓
樂喧闐迎齊是日無恙端坐而化所著有曙光齋集

行世

右天啓朝

胡平運字明卿順德人崇正辛未進士館選改御史時
上英明平運知無不言多所採納巨寇劉香擾亂粵
海當事無策流劫滋蔓同鄉京官無有陳者平運特
疏糾參始克易帥寇乃息按滇土目相仇殺爲邊患
平運單車往諭皆釋甲羅拜滇處天末士不知古學
平運授以韓蘇名篇士風丕變會有開採珠池之議
力言名寇殃民乃寢

黎崇宣字孺旬番禺人善詩古文詞工書嫻騎射喜談
兵舉于鄉八上公車不第就教海陽潮俗豪紳輒凌
後進有誣訟諸生于郡宣抗辯乃白辛未成進士當
道愛其才因慫恿盧掌科曰木天一夕可少黎君哉
復語黎曰盧公好奕喜勝能少遜館選可得也已而
對奕盧敗躡黎足弗顧再躡大言曰躡躡何爲且圖
煞得快卽不作翰林可也其率真如此知廣德州迎
春口占云載道兒童看早春任教騎竹擁征輪世間
萬事皆兒戲何獨爲官却認真性好引後進嘗延名
師課鄉里子弟之貧學者著有怡情集

鍾鼎臣字葵公新會人年十三補弟子員教授生徒門

多名士崇正甲戌進士歷仕至嘉興守時海內鼎沸
郡邑多淪陷鼎臣星馳受事繕甲厲兵誓師死守授
甲登陣以待救援已而西關蹀血再戰經旬援軍敗
績孤城不支乃朝服北拜自縊死

國朝乾隆中
通謚節愍

鄺曰廣字居郎番禺人崇正丁丑進士授襄陽節推廉
介自持理冤白滯時流寇充斥蹂躪楚汴于是登城
疾呼遇敵刀箭並下身被重創遂罵賊而死家人從
死者甚衆

國朝乾隆中
通謚節愍

右崇正朝

續傳附論

按廣州鄉賢傳凡例云郡學鄉賢之外多有名賢
鉅公芳徽彪炳而或祀州邑或未崇祀者是此傳
於首郡諸賢未盡採錄也然其最著者莫如漢之
南宮侯張公買臨海太守楊公孚唐之高士區公
册明之高士羅公忠今皆按廣東通志廣輿志順
德縣志編入以俟當道縉紳爲之奉俎豆焉

張買粵人也父戍以越騎將軍從高帝定三秦有功未
及封而死買少善射知書拜中大夫惠帝時侍遊苑
池鼓權能爲越謳時切諷諫不自言父戰勲高后稱

制丞相審食其為言之於是封買為南宮侯買父子相繼正色立朝故粵人構祠祀之名其扁曰秉正云祠今在番禺秉正街

見廣東通志

楊孚字孝元南海人建初中舉賢良對策上第拜議郎和帝即位欲伐北方孚奏言創造用武守業用文太宗息兵嘗言自勝衣冠念不及兵先帝繼述敵來則應夫嘗先伐陛下繩美祖宗毋輕用武永元十二年荒旱令廷臣議政得失孚奏言宜詔中外臣民均行三年通喪而吏治必務廉平以勸選舉之士帝從時南海屬交趾部競事珍獻孚乃著南裔異物志及

為臨海太守復著臨海水土志皆所以正貢獻也孚

家在珠江南嘗移洛陽松栢種植宅前隆冬蜚雪盈

樹人因號其居之地曰河南

見廣東通志

區册南海人甘貧力學操持雅飾下筆千言立就自郡守以下皆重其文采韓愈貶陽山令册冒險往陽山師愈愈稱區生自海上擎舟而來儀度甚偉坐語風義卓然若斯人者豈易得也及册歸省親為文送之其見重名賢如此

見廣東通志及廣輿志

羅忠字廷直大良人稟性剛方景泰三年黃蕭養之亂上書揭侍郎稽析南海新會地建順德縣於大良成

化元年大藤賊擾兩廣忠不避艱險運粟三百石餉軍紀績授承事郎累徵不就隱居樂善嘗捐腴田五十畝祀先代祖邑宰錢學士溥作祚光堂記表其事

見順德縣志

按吾順於今爲廣聞邑自景泰三年立縣四年而梁文康公篤生嗣是而碩彥名臣聯翩接踵然當其先呈請立縣者公也夫禮有功德於民則祀之公以布衣倡議建邦設都以致人民蔚起秀甲南天所謂有功德於民非耶以之列祀郡學鄉賢報德報功其誰曰非宜今匪直茂典未膺抑且茂功未著寧非後死者責與謹錄其請立縣書於左見其開邑之功不可磨云

附上制府揭侍郎請立縣書

忠聞失大小之權者不可與言智昧遠近之利者不可與言謀故善智者圖見於大善謀者定計於遠見大故能察微而知著計遠故能因亂以成功忠伏見邇者黃賊之變起自亡命擅帝號攻城邑潰走王師禍可謂烈矣當此之時黃賊一呼而數境之民風靡應援譬諸禽獸一個負矢百羣俱奔非其習有憚悍之積性有好死惡生之逆也然而負不義之名以犯

誅戮者何也今夫素之質白涅則黑失其體也金之性沉托之舟則浮勢有所支也民之從亂猶素之染涅也得所恃則治猶金之托舟也然近年諸司諱言實禍治慕空名撫字無恩防禦不肅故逞欲誅求者兆爭攘之端姑息牧寇者豐禍亂之道任情詭法者賈苛刻之怨是以上無固結之仁下懷離潰之志外無城郭之脩內怵逼脇之勢漢人有言穿窬不禁乃致強盜強盜不禁乃爲攻盜蓋成於漸也此忠所謂著微之機而治亂之候也然欲樹長畫而伐禍本則莫若置縣昔周王建洛邑本殷頑而思治齊桓城楚

邱緣衛難以爲功故政惠而不苛矣而不怨何則以其圖見於大而定計於遠也今大良其地遠於南海然西有排榜之時東有迎暉之環前擁華蓋後鎮拱北山原如翼河流若帶此澤國之形勝也因其地而置縣域以封疆防以城池治以官司聯以戶口齊以科教如此雖復有黃賊之變無能爲矣其樹長畫伐禍本之道計無易此乃議者或曰兵荒之後費無所出殘傷之民不可役使是習瑣瑣之細非可與論於大道也夫扁鵲治病以刀刺骨雖有小痛而長利在身君子振亂用民爲役雖負時怨而久福在國故甚

病之體以忍痛爲利暫勞之民以永逸爲福故曰前
事者後之鑒惜小者大之費唯執事圖之

此書高古肅穆逼肖先秦西漢文字而精心法眼尤
爲覓隻人寰觀其於三都四十堡二百八十四村之
中而獨取大良爲縣治已得開邑規模更於大良東
西南北四關之中而獨取排榜迎暉兩山之間以建
公解立學校尤踞山川形勝宜乎人文之盛媲美中
州也乃三百年來無得而稱其生平有功不伐謙冲
之度不可想見乎具此衆美故特表而出之以見非
阿所好者



